

四庫全書

史部

欽定四庫全書

史部

御定資治通鑑綱目三編卷
五四

詳校官庶吉士臣何道冲

編修臣裴謙覆勘

總校官舉人臣章維桓

校對官編修臣何循

謄錄監生臣周光顯

欽定四庫全書

御定資治通鑑綱目三編卷四

起已卯明惠帝建文元年凡四年

恭閱惠皇帝建文元年春正月修太祖實錄

帝受朝不舉經詒修太祖實錄以禮部左侍郎兼翰林院學士黃倫右侍郎兼翰林院學士王景彰為總

裁官奉常寺少卿廖昇侍講學士高遜志侍講方孝孺副之修撰李貴國子監博士王紳漢中府教授胡

守昭教授楊士奇訓導羅恢質實董倫字安常恩縣人王景彰名景以吏目釋本等流編纂官

字行松陽人廖昇賓陽人李貴吉水人王紳字仲縉金華人禕之子胡子昭字仲常嘉定州榮縣人楊士

奇名寓以字行泰和人州薦徵授教授當行修撰王叔英復以史才薦遂召入翰林充編纂官羅恢崇仁學訓導程本立字原道崇德人周府長史坐累謫雲南馬龍他郎甸長官司吏目遷右僉都御史

二月追尊皇考曰孝康皇帝

廟號興宗妣常氏為孝康皇后

尊母呂氏為皇太后

質實

皇太子妃呂氏壽州人太常卿本之女

立妃馬氏為皇后子文奎為皇太子

質實

皇后馬氏光祿少卿金之女文奎皇后生七歲燕師入莫知所終

封弟三人為王

允熲為吳王允熹衡王
允熙徐王俱不之藩

詔諸王毋得節制文武吏士

太祖遺詔王國所在文武吏
士聽朝廷節制故中是命

更定官制

設官原以董事
豈係名目且當
時事更有大於
此者顧乃汲汲
更定徒資靖難
口實不亦大可

用方孝孺等議內外品官階勲悉仿周禮更定又質
撰禮制頒行天下然無濟實事徒為燕王棟藉口
實成祖實錄洪武三十五年吏部言建文改舊官制
如六部尚書舊正二品陞正一品又增設侍中二
員正二品所屬諸司舊有清吏二字皆除去戶刑二
部屬舊皆十二司改為四司工部增設照磨所兵部

笑乎且孝孺既稱信用削藩大事何乃無一言而但以復古議禮為已任耶蓋紀事者多石莽孺而以削藩之罪歸之齊黃孝孺未至齊黃之甚則有之謂之無過則不可

舊設典牧所戶部設贓罰庫皆革罷都察院改為御史府舊設十二道改為左右兩院御史止設二十八員改通政使司為通政寺舊設通政使左右通政左右叅議改為卿少卿丞翰林院官舊設學士及侍讀學士侍講學士其侍讀侍講五經博士典籍侍書侍詔為屬官修撰編修檢討為史官孔目為首領官中書舍人舊在內府別有印信于翰林非統屬建文于翰林增設正官學士承旨一員在學士之上又改侍讀學士侍講學士俱為文學博士設文翰文吏二館文翰館以居侍讀侍講侍書五經博士典籍侍詔其侍書五七品文史館以居修撰編修檢討改孔目為典簿創典簿廳條記而革中書舍人改為侍書以隸翰林又增設文淵閣侍詔及拾遺補闕革罷五軍斷事五軍制祿倉革罷大理寺左右寺寺正寺副增置本寺首領官典簿及太常寺贊理郎二員太祝一員光祿寺少卿舊五品陞四品寺丞舊六品陞五品又

增設監事及司圓所改司牲司為導牲司陞其品級
太僕寺丞舊六品陞五品入改其首領官職名而
陞其品級及增設錄事及典廩典牧二署驎驥等十
八羣滁陽等八牧監龍光等九十二羣官鴻臚寺少
卿舊從五品陞正五品寺丞舊從六品陞正六品又
改其首領官職名亦陞品級革罷司儀司賓二署而
陞其鳴贊序班品級行人司舊別有衙門印信于鴻
臚寺非統屬革罷行人司而以行人隸鴻臚寺陞國
子監丞為堂上官革罷學正學錄增設欽天監五官
監候增設選士院及應天府知候所改五城兵馬司
指揮副指揮為兵馬副兵馬陞各衛經歷品級又增
設知事增設旗手等四十四衛武學及置錦衣衛帶
管優給武學所教授增置各王府賓輔伴講伴書各
布政使司布政使舊從二品陞正二品參政舊從三
品陞正三品參議舊從四品陞正四品改各處提刑
按察司為肅政按察司並請復舊制又兵部言建文

中改蒲陽左衛為衛山護衛右衛為臨安護衛遂命
凡天下軍衛建文所改革者悉復其舊按所載建文
朝更改官制最
核故詳錄之

三月命刑部尚書暴昭戶部侍郎夏原吉等充採訪使
分巡天下

使凡二十四人敕獎廉平黜貪墨便宜行事昭
至北平得燕王棣諸不法狀密奏之請預為簡
暴昭潞州人夏原吉字維
詰其先德興人徙湘陰

京師地震

詔求直言御史尹昌隆言奸臣專政陰威陽微
謫見於天是以地震謫福寧知縣尋召還官

夏四月湘王柏自焚死齊王搏代王桂有罪廢為庶人

柏脅力過人握刀槩弓矢馳馬若飛至是有告其反者帝遣使即訊柏懼焚其官室彎弓躍馬投火中死搏數歷塞上以武功自喜時與燕通為府中人所告會代邸亦上變乃廢二王為庶人銅搏京師幽桂大同戶部侍郎郭任以朝廷不先圖燕而徒削奪諸藩乃上言天下事先本後末則易成今日儲財聚備軍實果何為者乃北討周南討湘舍其本而未是國非策也且兵貴神速苟曠日持久銳氣既竭姑息隨之所謂強弩之末勢不能穿魯縞徒坐自困耳帝不能從

質實

郭任丹徒人或曰定遠人金川門陷

任不屈死之子經亦論死少子戍廣西本朝乾隆四十一年追諡郭任忠愍

遣燕世子高熾及其弟高煦高燧還北平

太祖崩時燕王棣遣三子入臨京師高煦勇悍無賴其舅徐輝祖切戒之不聽至是棣稱病乞三子歸齊泰欲遂收之黃子澄曰不若遣歸使彼不疑因遣還棣喜曰吾父子復得相聚天贊我也高煦瀕行入輝祖廢盜善馬徑去輝祖追之已渡江矣途中輒殺吏民至涿州又殺驛丞于是朝臣舉以責燕燕謀益急

質實

燕世子高熾是為仁宗與高煦高燧俱燕王妃徐氏出涿州漢涿縣唐改為范陽于縣置涿州

明省縣入州屬順天府今因之

發明

燕王三子在京齊泰請收之子澄不可遂遣歸事載成祖實錄夫泰欲收之固屬無名然

使羈留於京師未嘗不可為制燕之一法子澄本無勝算而徒曰遣歸使不疑則疎甚矣時輝祖密奏高煦勇悍不忠他日必為大患及燕師起高煦勦力為多帝始悔不用輝祖之言又按遜國紀憲

章錄臣林外紀明史槩明紀事本末諸書載建文元年二月燕王來朝行皇道入登陸不拜御史曾鳳韶劾王不敬帝曰至親勿問三月燕王還國明史皆不取考成祖實錄無入覲之事此無可諱而不載則知諸書皆出於傳聞之辭也且以時勢考之燕王未必肯輕身而來朝既來朝矣齊黃諸人方日夜發憤謀燕豈御史昌言之而當國者反置之不議乎又遼國臣紀載建文初藩王入覲馳皇道入且不拜鳳韶侍班言殿上宜展君臣之禮宮中乃叙叔姪之倫詔勿問則或者他藩之事而傳者謫以為燕也

安置北平按察使陳瑛于廣西

僉事湯宗告瑛受燕王質實
陳瑛滁人湯宗字金錢通密謀逮謫廣西
正傳浙江平陽人

六月岷王棟有罪廢為庶人

西平侯沐晟奏棟不法廢為庶人徙漳州

秋七月燕王棟舉兵反

燕王自建文既立即萌覬覦及削藩議起叛志益堅其禍變本難于消遏建文心存疑畏必欲去此隱憂又不能制其死命勢既孱弱不振而所恃以為畫謀

棟以僧道行為謀主護衛張玉朱能為爪牙選將校勾軍卒部署已定問道衍師期對曰未也棟始稱病或佯狂赴市奪酒食或卧土壤中彌日不甦盛暑圍火爐猶搖頭顛曰寒甚宮中亦杖而行會燕山衛百戶倪諒告變帝下詔讓棟遣中官逮王府僚屬北平都指揮使謝貴布政使張昂部署軍士列九門防守以都指揮張信為棟舊所信任密敕之使執棟信叛附於棟以情輸之昂庫吏李友直亦以昂謀告棟棟乃用道衍計令張玉朱能潛納勇士八百人入府守衛及朝使至棟偽縛官校置庭中給資昂入至端禮

定策者又不過一二迂儒黃子澄先發制人之議徒然言大而夸其實毫無部署齊泰藉防邊而調成並密為伺察更置守臣方以周防為得計而其所倚以謀燕者惟責之謝貴張島張信諸人信既反覆不忠貴島則漫不審慎取之如縛孤豚大事一

門為伏兵所執皆不屈死張玉等率勇士攻九門克其八獨西直門不下都指揮彭二躍馬呼市中曰燕王反從我殺賊者賞集兵千餘人將攻燕府會燕健士從府中格殺二中護衛指揮唐雲諭之兵遂散盡奪九門燕府長史葛誠護衛指揮盧振初皆與貴島謀誅棣至是並遇害夷其族伴讀余逢辰泣諫殺之參政郭資副使墨麟僉事呂震並降棣棣乃上書於朝指齊泰黃子澄為奸臣併援祖訓朝無正臣內有奸惡則親王訓兵待命天子密詔諸王統領鎮兵討平之書既發遂舉兵反自署官屬稱其兵曰靖難奪居庸關破懷來都督宋忠戰敗與指揮余瑱彭聚孫泰俱死之尋陷薊州指揮馬宣鎮撫曾濬不屈死于通州遵化永平密雲諸**質實**信叛附于棣按明火守將皆以城叛眾至數萬張信傳信受密詔令與張島謝貴謀燕王棣信憂懼不知所為母怪問之信以告母大驚曰不可汝無妄舉滅家族棣稱病信

去而不可復挽
總由齊黃智識
庸淺不知燕王
之沉驚雄毅長
于用兵竟爾視
為小敵動輒以
輕心掉之既乏
運籌決勝之長
並昧知彼知己
之智不自度德
量力而毅然身
任不疑誤國之
愆二人實無可
辭耳
晉陽之甲以清
君側為名七國

三造燕邸辭不見信固請入拜牀下密以情輸棣棣
懼然起立召諸將定計德信甚呼為恩張棣偽縛官
校置庭中紿貴易入按明紀事本末燕王稱疾愈御
東殿先伏壯士左右及端禮門內遣人名貴易不至
復遣官屬內官以所就建名往乃至衛士甚衆門者
呵止之責易入王曳杖坐賜宴行酒出爪數罷曰與
卿等當之王自進片爪忽怒詈曰齊民兄弟宗族尚
相恤身為天子親屬旦夕莫必其命縣官待我如此
天下何事不可為乎擲爪于地護衛軍皆怒前擒貴
易下殿王投杖起曰我何病迫于若奸臣耳遂曳貴
易等斬之又按明實錄貴易入至端禮門壯士出禽
之無擲爪之事九門元京城門十一曰麗正順承文
明安貞健德崇仁齊化光熙和義肅清平則明洪武
九年徐達經理元都縮其城之北五里廢光熙肅清
二門其九門俱仍舊端禮門明初燕王建府于元之
皇城舊址即今之西苑門四東曰體仁西曰尊義南

之反以誅黨錯
為名大抵亂臣
賊子必有說以
為兵端燕王之
稱靖難亦猶是
也明季諸臣曲
為尊親之諱凡
紀燕事必以靖
難時書之言之
不順殊非微實
今于初起時直
載其事其餘所
有靖難之名緊
行刊削庶知一
時所托稱原為
千秋公論所不

曰端禮北曰廣智懷來唐媯州明初置懷來所永樂
中改衛今改縣屬宣化府薊州唐置明屬順天府今
因之遵化後唐置縣明屬薊州今升直隸州密雲後
魏置縣明屬昌平州今屬順天府張玉字世美祥符
人朱能字士弘懷遠人倪諒燕山左護衛百戶一作
千戶棣即位收諒殺之初張曷被殺喪得還燕王稱
帝出曷屍焚之族其家法司以其近戚程亨等五人
見怒曰張曷之親與鐵同頑直須鑪冶耳引出生燒
之彭二逸其名為燕健卒龐來興丁勝所殺葛誠不
知所由進與盧振約為內應余逢辰字彥章宣城人
間異謀力諫遺書戒其子誓必死兵起泣諫死之又
有北平人杜奇極諫棣立斬之郭資武安人墨麟高
陵人呂震字克聲臨潼人本朝乾隆四十一年追
謚謝貴張曷忠烈彭二葛誠盧振宋忠余瑱彭聚孫
泰馬宣曾潘烈愍余
逢辰節愍杜奇入祠

予而順逆之理
蓋以昭矣

谷王穗自宣府奔京師

宣府地近北平燕兵既破懷來
宣府震恐穗棄其國走還京師

詔削棣屬籍命長興侯耿炳文帥兵討之

棣反書聞帝告太廟削棣屬籍廢為庶人詔示天下
曰邦家不造骨肉周親屢謀僭逆去年周庶人楠僭
為不軌辭連燕齊湘三王朕以親親故止正楠罪今
年齊王榑謀逆又與棣柏同謀柏伏罪自焚榑已廢
為庶人朕以棣于親最近未忍窮治其事今乃稱兵
搆亂圖危社稷獲罪天地祖宗義不容赦用是簡發
大兵往致厥罰以炳文太祖時宿將拜征虜大將軍
駙馬都尉李堅都尉甯忠副之帥師討燕尋命安陸
侯吳傑江陰侯吳高都尉耿璈都指揮戚庸潘忠楊
松顧成徐凱李友陳暉平安分道並進設平燕布政

使司于真定以暴昭掌之時齊泰黃子澄益慷慨任
事請聲其罪或難之泰曰名其為賊敵乃可克名正
言順又何疑焉一切命
將興師皆二人主之
質實
耿炳文時年六十五李
吳傑復之子吳高良之子耿璈炳文次子顧成字
景韶其先湘潭人後徙江都平安滁人小字保兒

八月耿炳文及棣戰於滹沱河北敗績

炳文次真定令徐凱屯河間潘忠楊松屯鄭州使先
鋒九千人駐雄縣值中秋方宴會不設備燕將張玉
夜半疾驅襲陷之尋陷鄭州忠松被執炳文部將張
保叛降于棣時大兵號三十萬先至者十三萬分營
滹沱河南北棣欲與北軍戰懼南軍乘之乃縱保歸
楊言燕王率兵且至誘炳文移軍盡北渡河棣率張
玉譚淵等循河蹴擊炳文軍不得成列大敗喪師三
萬副將李堅甯忠都督顧成皆被執炳文退保真定

隸圉之三日以炳文質實漳沱河山海經秦戲之山
老將未可克乃引去漳沱之水出焉在山西繁
峙縣東北百二十里流經直隸正定保定河間諸府
至天津之靜海縣名子牙河注直沽入海其別河至
青縣會于漳雄縣五代周雄州明改縣屬保定府今
因之鄭州漢鄭縣高齊分置任邱縣唐于鄭縣置鄭
州開元十三年改鄭為莫宋省莫縣入任邱移州治
之金州縣俱廢改置莫亭縣元于莫亭置莫州併置
任邱縣屬之明洪武七年省州入任邱縣屬河間府
今因之莫州故城在任邱縣北三十五里譚淵清流
人李堅械送北平
道卒甯忠亦死

召耿炳文還以李景隆代之

炳文敗帝商代者黃子澄薦曹國公李景隆景隆讀
書通典故與方孝孺友善齊泰極言不可帝不聽賜

用武之際非如
翰苑廣歌以通

與故為尚也平
之備練敗事吸
泣何嗟及哉

親親之說固所
以申篤宗盟若
叛逆已形便為

景隆通天屏帶親為推轂餞之江許景隆至德州收
集炳文將卒并調諸路兵五十萬進營河間當是時
帝傾國兵以畀景隆謂燕可旦夕破棣聞之顧大喜
曰皆漢高止能將十萬景隆何才乃以五十萬付之
是自坑其衆也吾破之必矣會吳高耿璈及都指揮
楊文方圍永平棣語諸將曰景隆知我在此必不敢
至不若往援永平以致其師吳高怯不敢戰聞我至
必走是我一舉解永平圍而破景隆也遂帥師援永
平吳高等盡棄輜重走退保山海關景隆知燕兵出
果引兵趣北平直薄城下築壘九門燕世子高熾堅
守不戰夜遣勇士絙城出斫營營中驚擾驟退都督
瞿能與其子帥精騎千餘攻張掖門垂克景隆忌能
功令止之燕人夜汲水沃城明日水凝不得上時御
史韓郁上言諸王親則太祖遺體貴則孝康皇帝手
足尊則陛下叔父乃豎儒偏見病藩封太重疑慮太
深于是周王廢湘王焚齊代相繼被推為計者必曰

獲罪廟社即其
輸忱請罪尚不
宜復顧總親况
燕王挾釁稱兵
更非區區通問
推恩所可冀其
釋嫌而弭患又
其時王師屢敗
燕勢日強韓郁
尚欲勸其罷兵
守藩寶為必無
之理至所云興
滅繼絕封墓釋
囚還周王迎楚
蜀命各世子持
耒修好尤全不

兵不加則禍必稔今燕舉兵兩月矣前後調兵不下
五十萬而一矢無獲將不效謀士不效力徒使中原
赤子困于轉輸九重之憂方深也諺曰親者割之不
斷疏者續之不堅陛下幸垂洞鑒興滅繼絕釋代王
之囚封湘王之墓還周王于京師迎楚蜀為周公俾
各命世子持書勸燕罷兵守藩慰宗廟之靈明詔天
下篤厚親親宗質實山海關漢榆關唐曰臨渝一名
臨閭明曰山海關在永平府撫
寧縣東百里張掖門金燕城門十三西曰彰義明北
京九門方輿紀要西之北曰西直舊名彰義嘉靖中
增築外城門七西曰廣寧今亦呼彰義是西直廣寧
俱蒙彰義舊稱也是時外城未建懼能所攻蓋西直
門也張掖則彰義聲之轉耳韓郁字康
郁鉛山人燕師入郁棄官遁不知所終

冬十月逮誘執寧王權奪其衆及朶顏三衛歸北平

達事體之言其
識見與兒童何
異真不值一嘆
耳

權國大寧在喜峯口外東連遼左西接宣府為巨鎮
所屬朵顏三衛騎兵皆驍勇善戰燕兵起朝廷慮權
與燕合名權及遼王植歸京師植泛海還權不至坐
削護衛祿閒之喜為書貽權至是以單騎入大寧說
言窮蹙求救執權手大恸求代草表謝罪而陰令吏
士結三衛部長及諸戍卒乃辭去權祖之郊外伏兵
起擁權行三衛強騎及諸戍卒一呼畢集守將朱鑑
不能禦力戰死寧府長史石撰每以臣節諷寧王城
陷憤詈不屈支解死都指揮卜萬與都督劉真陳亨
帥兵扼松亭關亨欲降畏萬不敢發燕行反間貽萬
書咸稱萬詆亨亨執萬下獄死籍其家亨降真由海
道遁還京師王府妃妾世子皆隨入松亭關歸北平
祿以其衆分隸各
質實 朱鑑卜萬見明吏馬宣傳未
軍大寧城為空
詳里系石撰平定人劉真合
肥人陳亨壽州人 本朝乾隆四十
一年追謚朱鑑烈愍石撰卜萬節愍

十一月李景隆及棣戰于鄭村壩敗績奔德州

諸軍方圍北平燕兵乘勝抵城下城中兵鼓謀出內
外夾攻李景隆不能支宵遁翌日九壘猶固守燕兵
次第破四壘諸軍聞景隆走皆潰景隆還德州亡士
卒十餘萬明年春棣兵陷蔚州攻大同使景隆疲于
奔命景隆自紫荆關赴援燕兵已旋質實鄭村壩在
居庸官軍多凍餒死者不見敵而還順天府大
興縣東二十里蔚州漢代郡地唐置安邊縣屬蔚州
天寶初自靈邱移州來治五代晉初改縣曰靈仙明
洪武四年省縣入州屬山西大同府本朝雍正六
年改屬直隸宣化府紫荆關在易州西八十里即太
行蒲陰陁也地記太行第七陁為蒲陰
宋時謂之金陂關金以後始名紫荆

罷兵部尚書齊泰太常寺卿黃子澄

棟以前所上書不報再上書請去秦子澄帝為罷二人以謝燕陰留之京師仍參密議

發明

此仍誅量錯之說也黜陟王者大柄豈冠逆所能倒持此時以秦子澄為非則伐燕亦非

以伐燕為中罪致討所不得已則秦子澄亦不可罷二臣縱謀之不臧然帝既用其言即不宜諉以謝過況燕勢已猖獗雖去齊黃又烏能止兵而消逆適示怯耳乃陽罷之又陰留之進退失措徒為見讐者笑不亦孱乎

庚辰二年春正月均江浙田賦

初太祖時屢蠲蘇松嘉湖極重田賦至是帝復下詔曰國家有維正之供江浙賦獨重而蘇松官田悲準私租起稅用懲一時豈可為定則今悉與減免畝不得過一斗有司違者罪之後永樂中盡革帝政浙西

重賦復

發明

惠帝即位庶務紛更虛文多而實政少惟此為愛民之事成祖苟欲盡反其所為不問是

非并此而改之則盤矣

夏四月李景隆敗棣于白溝河再戰敗績景隆奔德州

李景隆授鉞北征統率至數十萬又有瞿能平安諸良將並列偏裨使能奮勇爭先長驅直入或望可奏膚功顧庸怯無能又

景隆大誓師于德州合武定侯郭英安陸侯吳傑等軍六十萬進次白溝河列陣數十里棣先營蘇家橋已由西北循河而進都督僉事平安預伏萬騎河側棣至伏發棣曰平安豈子耳往歲從出塞識我用兵今當先破之安挺矛直前瞿能父子亦奮擊所向披靡戰至暝棣以三騎遁迷失道下馬伏地視河流辨東西始知營壘所在是日也棣幾殆安失馬百餘匹而已明日再戰能及安擣燕將房寬陣敗之景隆揮

復心存媚嫉北
平垂克輒以忌
功阻止致城守
復堅白溝大戰
燕王矢盡劍折
逸走登堤乃不
知乖銳迫擒轉
因設疑相誑畏
縮不前使得遇
救潛逃卒之引
衆復回遂至一
敗不可復振核
其縱敵負國之
罪實當亟正刑
章乃惠帝僅召
還朝而練子寧

騎統出棧後大戰良久景隆軍飛矢如雨棧三易馬
矢盡揮劍斫阻于堤幾為瞿能所獲力走登堤倂
引鞭招後繼者景隆疑有伏不敢前會高煦救至棧
乃得免凡日晡能復引衆搏戰大呼殺賊指揮俞通
淵滕聚俱以兵赴之會旋風起折景隆大將旗陣動
棧以勁騎繞其後乘風縱火烟焰漲天能父子及通
淵聚皆死有王指揮者被重創脫胄付其僕曰以此
報家人立馬植戈而死安與朱能戰亦敗官軍大亂
奔聲如雷郭英潰而西景隆潰而南
質實 白溝河在雄
南盡棄其所賜璽書斧鉞走德州
方輿紀要云燕王與李景隆大戰于白溝河即此處
也源出廣昌縣涑山曰涑水一名巨馬河至容城縣
東白溝店以下為白溝河以宋遼分界于此亦曰界
河蘇家橋在霸州東二十里文安縣北四十里當往
來孔道自蘇家橋以下諸水俱謂之淀泊房寬陳州
人俞通淵巢縣人俞通海弟王指揮臨淮人常乘小

等連疏糾彈竟
兩置之不問迨
金川失守景隆
遂首出迎降惠
帝之庸于此益
見矣

馬軍中呼小馬王 本朝乾隆四十一年追
諡瞿能忠烈俞通淵 勝聚小馬王俱烈愍

五月 棣陷德州進攻濟南

燕兵乘勝進攻德州未至景隆先奔燕兵入城得糧
儲百餘萬石勢益張先是白溝河之潰參景隆軍事
高巍南走至臨邑遇參政鐵鉉相持痛哭共趨濟南
直五日醺酒同盟偕入城與都督戚庸等誓以死守
景隆往依之燕兵遂自德州攻濟南時景隆兵在城
下者尚十餘萬棣乘其未陣馳擊景隆大敗南走帝
用齊泰黃子澄計遣尚寶司丞李得成如棣軍諭罷
兵以緩之棣不聽得成附于棣棣射書城中諭降不
下棣堰水灌城城中人大懼鉉曰無恐計且破之乃
佯令守陴者皆哭盡輟守具出居民城外伏地請降
預懸鐵板城門上伏壯士圍堵中候棣入下板擊之
別設伏斷城外橋乃遣人請棣入撫諭棣在軍逾年

往來戰守僅得永平保定及北平三府諸州縣族破
旅守不肯降濟南為中原要會得濟南斷南北則江
淮可圖也間濟南降大喜遂下令受降棟乘馬張蓋
鼓吹徐行渡橋至城下軍士失約棟未入門板驟下
傷棟馬首急易從馬奔及橋伏兵起橋倉猝
不可斷遂得逸棟憤甚築長圍晝夜攻之
質實鐵板
詐降之事載明史鐵鉉傳本出李賢古穰雜錄及遜
國紀諸書獨國史考異以為文皇善用兵不應信輕
率若此明舊史例義深然之按考異之辨為成祖諱
耳賢在天順朝去革除未遠見聞必非無據今仍據
明史并採遜國紀諸書錄輯臨邑漢縣屬濟南府今
因之鐵鉉鄆州人洪武中由國子生授禮科給事中
調都督府斷事嘗獻疑獄立白太
祖喜字之曰鼎石李得成涑水人

秋八月承天門災

詔求直言從方孝孺議改謹身殿為正心殿午門為端門端門為應門承天門為臯門前門為路門

都督盛庸參政鐵鉉擊敗棣兵于濟南復德州

時平安營單家橋謀出御河奪燕餉舟又選水卒五千入渡河攻德州棣懼將解濟南圍北歸鉉與庸乘夜出兵掩擊燕衆大敗鉉等乘勝復德州帝聞擢棣山東布政使參贊軍務尋進兵部尚書封威庸歷城侯拜平燕將軍于是庸進駐德州吳傑平質實單家橋在安守定州徐凱屯滄州相犄角以困北平河間府獻縣南為南北通途潯沱河之分流黑龍港河徑其下御河一名衛河本隋之永濟渠自山東東昌府恩縣流逕直隸故城南又東北流經山東德州西南新密口又東北流經德州之桑園鎮入直隸吳橋縣界即古清河也

九月詔錄洪武功臣罪廢者後

洪武中武臣以過誤廢及得罪者皆徵其子孫錄之

冬十月詔李景隆還赦不誅

御史大夫練子寧宗人府經歷宋徵御史葉希賢並以景隆失律喪師懷二心宜誅黃子澄亦請正其罪以謝天下皆不聽子澄拊膺曰大事去矣薦景隆誤國萬死不足贖罪錦衣衛鎮撫楊本從景隆討燕有功景隆忌之不以間約日出戰又不為援本劾景隆辱國遂以孤軍出被禽繫北平獄高遜叔之質

實宋徵里系未詳葉希賢松陽人楊本中年人或曰處州人通禽遁術本朝乾隆四十一年追謚楊

愍
本烈

十二月盛庸大敗棣于東昌斬其將張玉棣遁還

先是徐凱方屯滄州棣佯出兵攻遼東至通州循河而南渡直沽晝夜兼行襲執凱斬萬餘級降三千人譚淵一夜盡殺之復縱兵掠四境獻縣知縣向朴集民兵與淵戰被執懷印死棣遂自長蘆渡河過德州遣人至城下招盛庸庸堅壁不出陰令輕騎躡棣後棣擊敗之乃轉掠臨清大名越汶上至濟寧庸與鉉屯兵東昌以邀之棣率兵薄營庸開陣縱棣入圍之數重斬其驍將張玉已而朱能率番騎來救殊死鬪翼棣潰圍出以百騎走館陶庸既勝軍勢大振自燕人犯順轉鬪兩年鋒銳甚至是大將燕軍奪氣棣乃引質實汶上魯中都邑金置汶上縣明屬兗州府今屬濟寧州館陶漢置縣明屬東昌還北平

府今因之向朴字遵博慈谿人

本

朝乾隆四十一年追諡向朴節愍

辛巳三年春正月復齊秦黃子澄官

以東昌提告太廟命
秦子澄任職如故

三月盛庸敗棣于夾河斬其將譚淵復戰敗績

燕兵犯順兩年
所向無敵惟盛
庸東昌之捷大
挫其鋒燕軍遂
爾却避是庸之
精于用兵實非
諸將所及當燕
王逼營野宿且
在圍中庸豈得
托言不知使決

棣恥東昌之敗意急欲稍休道衍力趣之曰臣前言
師行必克但費兩日耳兩日者昌字也自此全勝矣
棣遂復率衆南出保定盛庸營夾河棣將輕騎來覘
掠陣過庸遣千騎追之都指揮莊得力戰斬其將譚
淵燕軍大挫而朱能張武等殊死鬪棣自以鐵騎貫
陣與能合官軍軍稍却莊得皂旗張陷陣死驍將楚智
被執不屈死之日暮各斂兵棣以十餘騎逼庸營野
宿及明起視已在圍中乃從容引馬鳴角穿營而去
庸諸將皆以帝有詔毋使朕負殺叔父名倉卒相顧
愕眙不敢發一矢明日復戰棣軍東北庸軍西南自

計勦擒易如唾
手乃次日曉其
鳴角穿營而去
且引毋負殺叔
父名之詔為解
患帝固庸愚豈
不聞將在軍若
命有所不受乎
迨永樂篡立庸
爵位如常則其
隱懷二心亦難
免春秋之責矣

辰至未勝負畧相當大風東北起飛埃蔽天庸軍面
迎砂礫咫尺不辨物棣縱左右翼橫擊斬首數萬庸
大敗走德州時吳傑平安自真定引軍來會間庸敗
引還棣以計揚言散軍取糧誘之出戰傑安列陣渚
沱河南棣率騎循河繞出陣後安縛木為樓高數丈
戰酣輒登樓望發強弩射燕軍矢集棣旗如蝟毛死
者甚衆忽大風拔樹聲如質實夾河在冀州武邑縣
雷安遂敗仍走入真定南漳水分流也又東
入渚沱莊得一作德故隸宋忠懷來之戰一軍獨全
張武瀏陽人皂旗張逸其名或曰張能官都指揮力
挽千斤每戰麾皂旗先軍中呼皂旗張戰死猶執旗
不仆楚智官都指揮馬陷被執死莊得等三人皆未
詳何處人本朝乾隆四十一年追謚張能忠烈莊得烈愍楚智節愍

貶齊秦黃子澄諭棣罷兵棣不奉詔

帝間庸軍敗大懼詔竄秦子澄于外密令為募兵計
棣間二人已竄上書請罷咸庸吳傑平安兵帝以問
方孝孺孝孺曰燕兵久頓大名天暑雨當不戰自疲
急令遼東諸將入山海關攻永平真定諸將渡盧溝
搗北平彼必歸救我以大兵躡其後可成擒也今其
奏事適至宜且與報書往返踰月使彼將士心懈我
謀定勢合進而蹴之不難矣帝以為然命孝孺草詔
遣大理寺少卿薛嵩馳報救燕罪令罷兵歸藩棣不
奉詔燕諸將請殺嵩棣不許送之出境未幾咸庸吳
傑平安分兵斷燕餉道棣患之復遣其指揮使武勝
上書申前請帝將許之孝孺曰兵罷不可復聚彼長
驅犯關何以禦之願毋為所惑帝乃下勝獄以絕燕
質實

盧溝即秦乾河一日濕水源出山西馬邑縣入
直隸境至順天府西南曰盧溝河薛嵩閭鄉人

夏六月棣將李遠寇沛縣焚糧艘

官軍駐德州資糧皆道徐沛棣遣李遠以輕兵六千詐為官軍袍鎧皆挿柳枝為識由濟寧至沛焚糧艘數萬河水盡熱魚鼈皆浮死戚庸遣都督袁宇帥三萬騎追之為遠伏兵所敗質實李遠懷

秋七月都督僉事平安攻北平不克

燕兵掠彰德陷林縣安在真定度北平空虛帥萬騎攻之棣方軍大名遣將馳救安戰不利引還時燕高煦高燧謀傾世子高熾世子與高燧守北平高煦從棣軍有寵方孝孺門人林嘉猷者嘗以事至燕邸知其狀孝孺言于帝曰兵家貴間燕父子兄弟可間也帝命孝孺草書遣錦衣衛千戶張安如燕貽世子令歸朝廷許以王燕世子得書不啓封並安等送之軍中官黃儼方曲事高燧使人馳報棣曰世子且反棣疑之問高煦高煦曰世子固善太孫語未竟世子所遣使以書及張安至棣啓視遽曰嗟乎幾殺吾子乃

因安等威庸檄大同守將房昭引兵入紫荊關畧保定據易州西水砦以窺北平吳傑遣都指揮韋諒以兵萬餘轉餉昭軍諒曰昭得糧守險未易拔也引兵圍之都指揮花英等往援與諒戰于齊眉山大敗昭諒走棣勒質實林縣漢隆慮縣東漢改隆為林金林兵還北平質實州明改縣屬彰德府今因之易州隋置明屬保定府今升直隸州西水砦在州西南八十里郎山上四面險絕齊眉山在易州西南百里亦曰峨眉山林嘉猷名昇以字行寧海人

九月倭寇浙東

倭登岸剽掠象山縣錢倉所千戶易紹宗密令游兵間道焚賊舟賊驚救紹宗格戰追至海岸陷淖中手刃數十賊遂被害先是紹宗書壁誓死命妻子具牲酒生奠之訣而出妻攜孤奏于朝旌之

質實

象山縣唐置明屬寧波府
今因之易紹宗仗縣人

冬十二月詔駙馬都尉梅殷鎮淮安

若太祖誠見及此則立棣與執棣惟已所欲為耳何至有篡奪之禍哉且密詔史臣何由知之疑信各半固紀事之常耳

殷尚寧國公主有謀畧太祖十六女諸駙馬中尤愛殷太祖春秋高諸王強盛嘗受密詔輔皇太孫至是命充總兵官鎮淮安

質實 殷字伯殷夏邑人汝南侯思祖從子寧國公主孝慈皇后生

棣大舉南犯

棣稱兵三年觀戰陣冒矢石屢瀕于危所陷城邑兵去旋復為朝廷守故不敢決意南下無何有以中官奉使侵暴為言者詔所在有司繫治于是中官密遣人赴燕具言京師空虛可取狀約為內應棣慨然曰頻年用兵何時已乎要當臨江一決不復返顧矣遂大舉兵而南

發明

中官之禍肇于永樂終明之世深受其毒建文稍稍戡制則又泄機事召外兵致燕決意

南犯議不返顧此輩實為禍媒甚哉小人之難養也春秋寺人貂始漏師於多魚古志之矣其垂戒

深哉

壬午四年春正月命魏國公徐輝祖帥師禦棣兵于山東

棣兵由館陶渡河連陷東阿東平諸州縣東平吏目鄭華濟陽教諭王省死之山東大震于是命輝祖帥

師往援而棣兵已突至沛縣知縣顏伯瑋不能禦遣縣丞胡先間行至徐州告急援不至指揮王顯開門

降伯瑋衣冠南向再拜自經死主簿唐子清典史黃謙被執諭子清降曰願從顏公地下遂死之遣謙往

徐州招降不從亦死燕別將王聰破蕭質實縣東阿漢縣知縣鄭恕亦不屈死棣兵遂薄徐州質實縣後漢

分置穀城北齊廢入東阿明移治于故穀城屬東平
州今屬泰安府東平漢國治無鹽晉徙治須昌劉宋
為東平郡宋改府元改路明洪武初為府八年降州
屬濟寧府十八年改屬兗州府今屬泰安府蕭縣秦
置明屬徐州今屬徐州府鄭華字思孝臨海人由行
人司貶吏目燕兵至州長貳盡棄城走華率吏民憑
城固守城破與其妻蕭氏俱死王省字子職吉水人
為燕游兵所執從容引譬詞義慷慨衆舍之歸坐明
倫堂伐鼓聚諸生大哭以頭觸柱死按憲章錄以省
之死節繫于建文二年五月與明文恭愍帝紀異顏
伯瑋名瓌以字行廬陵人子有為亦自刎死鄭恕字
本忠仙居人二女俱從死本朝乾隆四十一年追
謚顏伯瑋忠節鄭華節愍王省
唐子清黃謙顏有為並入祠

夏四月官軍連敗隸兵于淮北尋召輝祖還

敗則偽竄計臣
勝則召還大將
舉動殆如兒戲
庸憤如此安得
不速致覆亡迫
其後燕已陳師
江上尚冀割地
罷兵尤為非策
其窘迫無措之
態可憫亦可歎
耳

先是左都督何福及平安陳暉軍次濟寧聞棣兵自
徐趙宿遂引兵南追及于泚河燕將白義王真各率
百騎誘安軍縛草置囊中為束帛狀安帥兵馳擊義
等佯棄囊走安軍士競取之伏發而軍鑒戰真被重
創自刎死棣乃身自迎戰安部將和爾和挺鎗大呼
直刺棣馬忽蹶反被擒安軍遂敗宿州陷至是棣兵
抵小河為橋以濟福安等往爭橋張左右翼並進斬
其將陳文安轉戰至北阪幾獲棣番騎王騏躍入陣
振棣走于是官軍駐橋南棣軍駐橋北相持數日棣
潛移軍三十里夜半渡河而南繞出官軍後比旦官
軍始覺適輝祖來會戰于齊眉山斬其將李斌時王
師再捷燕人大懼會淮土盛暑濕蒸燕諸將請旋師
觀釁棣不從下令曰欲渡河者左諸將皆左棣怒曰
任汝曹所之乃不敢復言而帝聞訛言謂燕兵已北
召輝祖還福軍遂孤福欲持久老燕師移營靈壁深
塹高壘自固而糧運為燕所阻安分兵往迎棣率精

銳橫擊斷安軍為二福開壁來援與安合擊殺燕兵
數千高煦伏兵自林間突出福等俱敗走諸將請移
駐淮河就糧夜令軍中聞三礮即發翼日燕兵猝薄
壘亦發礮三福軍以為已礮也爭趨門出燕兵乘之
遂大亂人馬墜濠塹俱滿指揮宋瑄力戰死福單騎
走安暉及侍郎陳性善等三十七人皆被執性善死
之質實

山湖肥水出馬東南流入懷遠縣界注於淮

小河在靈璧縣北六十里即古睢水舊自河南永城
縣流逕宿州靈璧至宿遷入泗後宿州以上已成平
陸其在睢寧宿遷者謂之小河齊眉山在靈璧縣西
南三十里靈璧本虹縣靈璧鎮宋升縣明屬宿州今
屬鳳陽府王真咸寧人宋瑄定遠人宋晟長子陳性
善名復初浙江山陰人既被執尋釋歸令說朝臣性
善朝服躍馬入河以死餘姚黃墀陳子方與性善友
亦同死按明史性善傳性善及大理寺丞彭與明欽

天監監副劉伯完同被執縱還與明變姓名與伯完俱亡去不知所終明紀事本末則云與明死之與史傳異本朝乾隆四十一年追謚宋瑄烈愍陳性善節愍黃墀陳子方並入祠和爾扣舊作火耳灰今改五月遼東兵潰於直沽

先是帝命楊文帥遼東兵十萬赴濟南與鐵鉉合以斷棣後及是至直沽軍潰無一人至濟南者

棣兵渡淮陷揚州

棣兵陷泗州盛庸方軍淮上以兵數萬戰艦數千列淮南岸棣兵不得渡遣使至淮安假道於駙馬都尉梅殷殷剿其使曰留汝口還為而王言君臣大義棣氣沮鳳陽知府徐安亦拆浮橋絕舟楫以遏燕棣乃令邱福朱能等帥騎勇數百人潛自上流以漁舟濟狹薄庸軍鳴礮庸軍驚突擊之庸敗走盡獲其戰艦

遂渡淮陷盱眙守淮兵部主事樊士信死之乘勝出
天長進攻揚州指揮王禮等開門降巡按御史王彬
指揮崇質實天長唐縣明屬泗州今因之徐安寧波
剛死之質實人邱福鳳陽人樊士信應城人王彬字
文質東平人崇剛逸其里籍遜國臣傳云崇剛姓鄧
本朝乾隆四十一年追謚樊士信烈愍王彬崇剛
愍節

徵天下兵勤王

帝遣御史練子寧右侍中黃觀修撰王叔英等分道
徵兵蘇州知府姚善首以兵入衛請召還齊秦黃子
澄帝從之時寧波知府王璉徽州知府陳彥回樂質
平知縣張彥方前永清典史周縉各帥兵入援
實樂平縣唐置明屬饒州府永清縣唐置明屬順天
府今皆因之黃觀字伯瀾一字尚賓貴池人王叔

英字原采黃巖人王璉字罷之日照人陳彥回字士淵莆田人張彥方江西龍泉人由給事中以便養改樂平知縣周縉字伯紳武昌人

下罪已詔遣慶成郡主詣燕軍

時棟兵往來江上江南北郡縣俱密輸款詔下京師內外臣民慟哭而已方孝孺進曰事急矣可遣人許以割地稽延數日俟募兵漸集然後決戰江上乃遣慶成郡主往燕軍議割地罷兵郡主棟從祖女兄也見棟述太后及帝意棟曰吾此來欲得奸臣不在上地郡主默然遂辭歸帝命諸將集舟師江上為禦守計兵部右侍郎陳植監戰植慷慨誓師部**質實**慶成將殺之以降棟誅部將具棺殮植瘞之**質實**郡主蒙城王女嫁黃琛初封慶陽郡主建文時改封慶成郡主蒙城王為熙祖之孫郡主則太祖從父兄弟之

女也陳植廬江人葬白石山
本朝乾隆四十一年追謚陳植烈愍

六月棟兵渡江犯京師谷王穗及李景隆迎降京師陷

帝不知所終

威庸徐輝祖等敗棟兵於浦子口會高煦引番騎來
援殊死鬪庸軍退駐高資港都督僉事陳瑄以舟師
叛附于棟棟率兵自瓜洲渡江庸敗走鎮江守將童
俊率衆降棟進軍龍潭帝命諸王分守都城遣景隆
及兵部尚書茹瑺都督王佐詣燕師講和棟曰吾無
罪而削為庶人今殺死何以地為景隆等不能發一
語遽還帝復令谷王穗安王極往棟卒不奉詔左右
或勸帝他幸以圖興復方孝孺請堅守京城以待四
方援師即事不濟當死社稷乙丑棟進兵屯金川門
左都督徐增壽謀內應帝手劍斬之穗景隆及指揮

遜國之說傳聞
互異當時宮中

火起事出倉皇
出亡既無實跡
可憑又何以知
自焚之必由詭
語鑿地雖無所
指証而為僧踪
跡又非實親見
而灼知之設云
民間係念舊君
冀其未死而矯
託避荒實足為
動搖羣心之漸
成祖何不將自
焚情形宣示禁
止顧一任無根
之語轉輾流傳

僉事劉清守金川門登城望見棧麾蓋開門迎降御
史連楹叩馬欲刺棧被殺都城陷宮中火起帝不知
所終棧遣中使出后屍于火詭云帝屍越八日用學
士王景言備禮葬之然葬地所在後無聞焉或曰帝
由地道出亡其後滇黔巴蜀間皆傳有帝為僧時往
來跡世遂以帝為遜國云正德萬厯崇禎間諸臣請
續封帝後及加廟諡皆下部議不果行

大

清乾隆元年追加廟諡曰恭閔惠皇帝

質實

遜國之
說畧云

金川門失守帝欲自殺編修程濟曰不如出亡即為
帝祝髮從鬼門出由吳楚而滇浙黔蜀粵東西至正
統五年有同寓僧詭稱建文帝思恩知府岑瑛以聞
按問乃鈞州人楊應祥下獄死時並繫帝因自言其
實老閩吳亮識之入西內以壽終云明舊史例議力
辨其妄朱彝尊亦深斥其不足信但據王鏊陸樹聲
薛應旂朱國禎等所載諸書其官階年月事蹟固多
舛訛抵牾然未必盡出無因且據明史胡濙傳稱惠

揆厥所由殆因
成祖自知慙德
欲曲諱其篡弒
惡名故反隱播
此說以明已無
致死其君之事
厥後文人不察
從而緣飾其間
遂成千古疑案
向來論史者斷
斷爭剖必為之
指實而辨誣均
不免失之愚耳

帝之崩於火或言遜去諸舊臣多從者帝疑之五年
遣浚頌御製諸書並訪仙人張邈過徧行天下隱察
建文帝所在二十一年還朝馳謁帝于宣府帝已就
寢聞浚至急起召入浚悲以所聞對漏下四鼓乃出
先浚未至傳言建文帝蹈海去帝分遣內臣鄭和數
輩浮海下西洋至是疑始釋後神宗時嘗命閹臣錄
建文帝在滇詩以進則遜國之說在明代君臣迄無
定論傳聞各異姑從闕疑附著其畧於此浦子口在
江寧府江浦縣東二十里為南北要津有城今設守
備駐此高資港在鎮江府丹徒縣西五十里北通大
江接儀徵瓜洲在揚州府江都縣南四十里龍潭鎮
在句容縣北八十里陳瑄字彥純合肥人茹璫衡山
人徐增壽中山王達第四子成祖實錄是年九月陞
宣府中護衛指揮僉事劉清為都指揮同知旌其開
金川門奉迎功也連極襄垣人被殺屍植立
不仆本朝乾隆四十一年追謚連極忠烈

棣自立為皇帝

楊榮相業爛然
為三楊稱首然
身為侍從國破
君焚迎謁不服
臣節已殫且其
言明請謁陵陰
為勸進尤是巧

茹瑞先羣臣叩頭勸進文臣迎附知名者吏部右侍郎
郎蹇義戶部右侍郎夏原吉侍中劉儒兵部右侍郎
古朴刑部侍郎劉季麓大理寺少卿薛崑翰林學士
董倫侍講王景修撰胡靖李貫編修吳溥楊榮楊溥
侍書黃淮芮善待詔解縉戶科給事中金幼孜兵科
給事中胡濙兵部郎中方賓刑部員外郎宋禮國子
助教王遠鄒緝吳府審理副楊士奇桐城知縣胡儼
等棣入京楊榮迎謁馬首曰陛下先謁陵乎先即位
乎棣遽趨謁陵畢已已羣臣備法駕迎詣奉天殿即
皇帝位茹瑞入賀迎謂曰瑞吾今日得罪天地祖宗
奈何瑞曰陛下應天順人何謂得罪乃大悅大索黃
子澄齊泰等榜其姓名曰奸臣時揭榜者二十九人
子澄泰及陳迪方孝孺練子寧黃觀胡閏鄒瑾王純
郭任盧迴侯泰暴昭鄭賜黃福張紱毛泰亨陳繼之

於獻諫雖其後
政績可稱亦不
足重矣

欽定四庫全書

欽定四庫全書

三

董鏞曾鳳韶王度高翔魏冕謝昇尹昌隆宋徽卓敬
王叔英巨敬既而鄭賜王鈍黃福尹昌隆皆迎附又
以茹瑞言並宥張統皆復其官其後復揭榜朝堂增
徐輝祖葛誠周是修鐵鉉姚善甘霖鄭公智葉惠仲
王璉黃希范陳彥回劉璟程通戴德彝王民盧原質
茅大芳胡子昭韓永葉希賢林嘉猷蔡運盧振牛景
先周璿等凡
五十餘人
質實
陳州人劉季荒名韶以字行餘姚

人胡靖本名廣字光大吉水人建文二年廷試對策
有親藩陸梁人心搖動語帝親擢顧第一賜名靖迎
附後復名廣吳溥崇仁人楊榮字勉仁建安人楊溥
字弘濟石首人黃淮字宗豫永嘉人芮善南城人金
幼孜名善以字行新淦人胡濙字源潔武進人方賓
錢塘人宋禮字大本河南永寧人王達無錫人鄭綱
字仲熙吉水人胡儼字思若南昌人陳迪字景道宣
城人官禮部尚書胡閏字松友鄱陽人官大理寺少

卿鄭瑾永豐人官大理寺丞王鈍字士魯太康人官
戶部尚書廬迴仙居人與郭任卓敬俱官戶部侍郎
侯泰字順懷南和人官刑部尚書鄭賜字彥嘉建寧
人官工部尚書黃福字如錫昌邑人官工部右侍郎
張統字昭季富平人官吏部尚書既降附未幾成祖
臨朝而嘆咎建文時之改官制者令統及王鈍解職
務統懼自經於吏部後堂妻子相率投池中死毛泰
亨為吏部侍郎統死泰亨亦死陳繼之蒲田人官給
事中董鏞不知何許人曾鳳韶廬陵人王度字子中
歸善人高翔朝邑人魏冕江西永豐人謝昇諸城人
鏞鳳韶度翔冕昇與尹昌隆俱官監察御史昌隆將
就刑大呼曰臣嘗上疏讓位陛下奏讀可覆帝取閱
之嘆曰火燒頭早從所言朕亦無此勞苦也免昌隆
死使往北京輔太子巨敬平涼人官戶部主事充史
官周是修名德以字行泰和人官衡府紀善甘霖懷
寧人官御史鄭公智字叔貞寧海人官御史葉惠仲

臨海人官南昌府知府黃希范官徽州府知府劉璟
字仲璟基次子官谷王府長史程通績溪人官遼府
左長史戴德彛奉化人官左拾遺王艮字敬止吉水
人官修撰盧原質字希魯寧海人孝孺姑子官太常
少卿茅大芳名諱以字行泰興人官副都御史胡子
昭時官刑部侍郎韓永西安人或曰淳山官給事中
蔡運南康人歷官四川叅政罷歸起知賓州牛景先
沅州人官御史或云所鎮撫周璿官左僉都御史

削魏國公徐輝祖爵

輝祖當燕師渡江猶引兵力戰京師陷諸武臣咸迎
附勸進輝祖獨守父祠于是下吏命引罪不屈削爵
幽私第追封徐增壽為武陽侯謚忠愍明年進爵定
國公永樂五年輝祖卒乃命輝祖長子欽嗣封魏國
公自是中山王之後有魏定二公居南北京神宗
時錄建文忠臣以徐輝祖為首追贈太師謚忠貞

齊泰黃子澄說者病其首發難端比之范錯不知景帝勢安惠帝勢危國不可同日而語但與謀國事措置乖方實難免於貽誤而方孝孺亟亟於更制設官致來燕兵口實亦不無迂濶之譏顧惠帝上膺正統諸臣目擊時艱則去偏除強以圖安宗社

殺兵部尚書齊泰太常卿黃子澄文學博士方孝孺皆夷其族坐黨死者數百人

初帝發北平道衍以孝孺為囑曰城下之日彼必不降幸勿殺之殺孝孺天下讀書種子絕矣帝領之及陷京師鎮撫伍雲縛孝孺至帝顧左右收之曰勿令遽死將即位召令草登極詔孝孺斬衰入悲慟聲徹殿陛帝降榻勞曰先生無自苦予欲法周公輔成王耳孝孺曰成王安在帝曰彼自焚死曰何不立成王之子帝曰國賴長君曰何不立成王之弟帝曰此朕家事顧左右授筆札曰詔天下非先生不可孝孺投筆于地哭且罵曰死即死耳詔不可草復強之乃大書燕賊篡位四字帝大怒令以刀抉其口兩旁至兩耳復繫獄泰子澄先被召還之命未至遽聞變泰走外郎乞兵有識其馬者曰此齊尚書馬也執之子澄

自屬臣分所應然至于國勢岌危猶欲四出募兵意存克復及至身臨鼎鑊而抗詞直斥侃侃不撓未嘗少降其志凜然大節洵為無忝綱常正未可以具謀事之不成而崇加吹求若成祖之濫誅洩憤屠戮忠良淫刑以逞其失自無可恕耳

就嘉興楊任謀舉事為人告見收至是並械至京帝親詰之抗辯不屈遂命與孝孺同磔於市孝孺慷慨就戮賊絕命詞而死時年四十六其門人廖鏞廖銘檢遺骸瘞聚寶門外山上尋被逮與胡子昭盧原質原朴鄭公智林嘉猷鄭居貞俱坐死孝孺弟孝友亦死妻鄭氏及二子中憲中愈先自經二女投秦淮河宗族親友及門下士坐誅者八百七十三人泰從兄弟敬宗等俱坐死叔時永陽彥等謫戍子甫六歲宥死給配子澄族人無少長皆斬一子變姓名為田經僅得走免楊任亦磔死二子禮益俱斬大理寺丞楊端刑部郎中王高坐縱孝孺息樹陰同棄官去劓鼻死孝孺主應天鄉試所得士有劉政方法政聞孝孺死嘔血卒法官四川都司斷事諸司表賀實遜國臣傳登極法不肯署名投筆出被逮自沈於江質實臣傳云孝孺投筆哭罵上怒叱曰汝焉能遽死朕當減汝十族後繫獄據其宗支及母族林彥法等妻族鄭原

吉等示且費之執不從上怒甚乃使朋友門生廖鏞
等為十族誅之然後詔磔於市坐死者八百七十三
人外親之外親族盡數抄沒發充軍坐死者復千餘
人臣林外紀云成祖曰吾國能族人孝孺曰族至三
赤矣成祖曰吾能四乃大收其朋友門生凡刑七日
紀事本末云文皇大聲曰汝獨不顧九族乎孝孺曰
便十族奈我何舊史例議以廖鏞等逮論在孝孺死
後朱彞尊以孔安國及馬鄭解九族上至高祖下至
元孫不及異姓則反輕于秦法之三族謂十族之說
非實按夏侯歐陽解九族者父族四母族三妻族二
皆據異姓有服成祖並非經生一時激怒不同議禮
何暇辨九族之當從何家言乎又按彞尊明詩綜詩
話長陵靖難受禍者莫慘于正學先生坐方黨死者
相傳八百七十三人其次黃太常坐累死者族子六
十五人外戚三百八十人若胡大理之死郡志稱其
族棄市者二百十七人坐累死者數千人茅大芳妻

斃于獄有與狗喫之旨載表襲奉天刑賞錄云云然則當日或加三為四或加九為十傳聞異詞不足辨而一時門生朋友濫及無辜則亦不能為之諱也秦淮河源自溧水縣北西北流經上元縣東南入通濟門橫貫府城中西出江寧縣三山水門又西北入大江廖鏞永忠之孫銘鏞之弟孝孺墓在江寧縣聚寶山舊志孝孺死門人王稔輩收遺骸殯之于此與明史異案稔字叔豐金華王稭之孫革除編年云稔與孝孺表姪鄭珣至聚寶門外求其遺骸歸葬不可得卒逮繫文皇念其祖禕死國功特宥死據此則稔蓋嘗謀歸葬而不得非瘞孝孺于聚寶山者也遜國臣記收遺骸者都督廖鏞與明史同孝孺絕無後惟孝孺父克勤之弟克家有子曰孝復洪武間上書請減寧海賦誦成慶遠衛以軍籍獲免或曰錄孝孺家時魏典史澤藏其幼子嘉靖時松江人俞斌自稱孝孺後方氏訟其偽云澤字彥恩溧水人蘆原朴原質之

弟鄭居貞名桓歛人或曰閩人官河南左叅政楊任
嘉興人官袁州知府致仕劉端王高俱南昌人成祖
實錄永樂十一年正月大理寺左寺丞劉端右寺丞
王高以縱奸惡外親棄市蓋與坐縱孝孺之說不同
劉政字仲理長洲人方法字伯通桐城人法次望江
瞻拜鄉里曰得望我先人廬舍足矣遂自沉 本朝
乾隆四十一年追謚齊泰忠敬黃子澄忠愍方孝孺
忠文楊任烈愍廖鏞胡子昭廬原質鄭公智林嘉猷
鄭居貞節愍廬原朴方孝友方中憲方
中愈齊敬宗楊益楊禮方法並入祠

殺御史大夫練子寧戶部侍郎卓敬皆夷其族

縛子寧至語不遜磔死夷其族姻戚俱戍邊子寧從
子大亨官嘉定知縣聞變同妻沉劉家河死敬嘗建
議徙燕帝責以離間骨肉故厲聲曰惜先帝不用敬
言耳帝怒猶憐其才命繫獄使人誣以管仲魏徵事

死節乃人臣本分原無庸議論紛紜吳溥決王良之必克捐軀胡廣之不能死節所料皆錯鉢不與但溥與良俱策名仕版即當效其取義舍生况既明于責人何獨寬于責己乃隱忍圖全竟至辱身改節是真察秋毫而不見目睫顧於一豬不舍者冷

敬曰人臣委質有死無二先皇帝曾無過舉一旦橫行篡奪恨不即死見故君地下乃更欲臣我耶姚廣孝故與敬有隙進曰敬言誠見用上寧有今日乃斬之夷三族時殉難者太常少卿廖昇聞燕師渡江慟哭與家人訣遂自縊最先死衛鎮撫徐讓衛健皆戰死城陷前一日修撰王良與胡廣解縉吳溥比居俱集溥舍縉陳說大義廣亦奮激慷慨良獨流涕不言三人去溥子與弼尚幼嘆曰胡叔能死大佳溥曰不然獨王叔死耳語未畢隔牆聞廣呼家人謹視豚溥顧謂弼曰一脉尚不能舍肯舍生乎須臾良舍哭飲鴆死矣于是都給事中龔泰投城下死葉福守門死衡府紀善周是修江西副使程本立自經死大理寺丞鄒瑾御史魏冕同自殺秦府長史鄒樸不食死兵部郎中譚翼自焚死妻鄒子謹皆自經及帝即位禮部尚書陳迪不屈與子鳳山丹山等六人礮于市妻管縊死戶部主事巨讚與迪同死夷其族禮部右侍

語警譏何異桃
人土偶之相誚
耶

中黃觀嘗草制極詆斥燕至是索國寶不得或言已
付觀出收兵矣命收其妻翁氏及二女給象奴翁攜
二女及家屬十人投淮清橋下死觀募兵至安慶聞
京師陷或告曰宮已焚帝失所在新天子即位三日
矣觀命舟至羅刹磯朝服東向拜投急湍死刑部尚
書暴昭侯泰及其弟敬祖子玘戶部侍郎郭任盧迥
及任子經禮部侍郎黃魁副都御史茅大芳及其子
順童道童僉都御史周璿司中皆被殺召大理少卿
胡閏御史高翔至皆哀經哭殺閏及其妻王氏子傳
道四歲女郡奴入功臣家稍長日以灰污面髮至寸
剪之終身不嫁族誅翔發其先冢親黨悉戍邊諸給
高氏產者皆加稅曰令世世罵翔也又有工部侍郎
張安國修撰王叔英編修陳忠左拾遺戴德燧給事
陳繼之韓永御史林英謝昇甘霖丁志方董鏞姚瑄
宗人府經歷宋徵刑部主事徐子權晉府長史龍鐔
前都督府斷事高巍浙江按察使王良蘇州知府姚

善徽州知府陳彥回樂平知縣張彥方漳州教授陳
思賢及諸生伍性原陳應宗林珏鄒君默曾廷瑞呂
賢先後各以死殉而松江同知死尤烈逸其姓名或
曰周繼瑜也既而給事中黃鉞赴水死御史魯鳳韶
自刎死王度以方黨謫戍坐語不遜放谷府長史劉
璟曰殿下百世後逃不得一篡字下獄自經死武臣
之死者指揮使張倫都督同知陳質所鎮撫周拱元
又若御史葉希賢賓州知州蔡運以奸黨被戮御史
牛景先走死蕭寺或又以三人為從亡云初燕師起
北平所屬州縣官朱寧等棄職去者二百九十人及
破金川門朝臣棄位去者四十餘人世傳有程濟及
河西傭補錫匠馮翁之屬濟名尤著或曰惠帝為僧
出亡濟左右之莫知所終又有會稽雲門寺僧若耶
溪樵及金華玉山樵者雪菴和尚皆為建文遺臣又
有梁田玉梁良玉梁良用梁中節何申宋和郭節何
洲郭良等九人他若樂清臨海二樵夫投水死儲福

為燕山衛卒北平兵起逃去後勾入藉中不質實嘉定
食死龔翊為金川門軍門開慟哭遂隱而死
宋嘉定十年析崑山之嚶城鄉置嘉定縣元升州明
復縣屬蘇州府今屬太倉州劉家河即婁江在嘉定
縣北二十四里淮清橋在上元縣東秦淮與青溪相
接處或曰翁夫人死于賽工橋橋在江寧縣南馴象
門外羅刹磯在池州府東流縣西濱江方輿紀要巖
石森立舟帆艱險賓州唐置明屬柳州府今屬思恩
府雲門山在府南三十里若耶山在府東南四十四
里山下有溪玉山在東陽縣東百五十里樂清晉置
樂成縣五代吳越改樂清明屬温州府臨海縣吳置
唐為台州治明台州府治今皆因之徐讓衛健不知
何許人讓山西布政司理問健山西孝義縣丞同應
募使燕議和不答是年五月還授鎮撫赴軍前差遣
戰歿吳與弼字子傳龔泰義烏人葉福侯官人周是
修具衣冠為贊繫衣帶間入應天府學拜先師畢自

經于尊經閣程本立由僉都御史貶江西副使未行
鄒樸永豐人或曰樸即大理寺丞鄒瑾子黃觀死弟
觀匿其幼子于他處或云觀妻畢氏孀居母家遺腹
生子故黃氏有後于貴池觀妻投水時嘔血石上成
小影陰雨則見名翁夫人血影石觀同時金侍郎逸
其名徵兵江西有朱進者常州人隨行俱被執戮茅
大芳之子一作順童道壽文生二孫添生歸生斃于
獄胡傳道一作傳慶張安國與其妻棄舟入太湖鑿
舟自沈王叔英募兵至廣德聞變書絕命詞自經元
妙觀銀杏樹下妻金氏亦自經二女赴井死陳忠字
思中鄞縣人林英古田人募兵廣德聞京城陷與妻
宋氏俱自經死丁志方聊城人姚瑄嘉興人以姦黨
誅籍徐子權新淦人聞練子寧死痛哭賦詩自經死
龍鐔字德剛萬載人高巍自經驛舍又有高不危亦
死義或曰不危即巍字也王良字天性祥符人集諸
司印九積薪自焚妻先投水死仍徙其家于邊陳思

賢茂名人帥六生為位哭建文帝于明倫堂皆被戮
六生皆龍溪人黃鉞字叔揚常熟人建文三年丁父
憂孝孺弔問之鉞云童俊狡不可任姚善忠義大勢
當守上游國變杜門不出以戶科召自投于水曾鳳
韶刺血書絕命詞于衣襟自殺妻李氏守節死劉璟
嘗至燕與王奕王曰不稍讓我耶對曰不可讓者不
敢讓也王默然燕兵起隨谷王歸京師獻十六策不
聽命叅李景隆軍事軍敗歸青田帝即位召之以疾
辭逮入京猶稱殿下遂及于難張倫不知何許人屢
戰有功帝招倫降倫笑曰張倫將自賣為丁公乎死
之時武臣多降附從容就義者倫一人而已陳質守
大同代王欲應燕質持之不得發蔚州廣昌附于燕
質復取之被執不屈死周拱元沅州人牛景先改姓
名徐行死杭州僧寺後籍其家妻子發教坊傳五世
至濱皆不肯辱身萬厯中除名復姓程濟朝邑人或
曰續溪有道術官岳池教諭上書言某月日北兵起

逮下獄釋之改官編修從亡數十年後不知所終河西傭行乞金城傭于莊浪魯氏買羊裘覆以故葛衣數年不易以死或曰趙天泰也天泰官編修三原人補鍋匠往來夔州重慶間一日遇馮翁于夔州市相持哭不知所終或曰王之臣翁益馮淮也之臣官欽天監正襄陽人淮官刑部司務黃巖人雲門寺有老僧泛舟賦詩歸則焚之若耶溪想夫畫詩于沙或從後抱持窺之則孤臣去國之詞也金華之東山有樵者麻衣戴笠為王姓者題詩曰宗人故疑其王姓雪菴和尚名暨隱于重慶白龍山好讀離騷讀一篇則投于水投已輒哭至成化初將死其徒曰師何許人張目曰松陽故疑其為松陽葉希賢或曰郭節也梁田玉官郎中為僧良玉中書舍人鬻書海南市良用為舟師死于水中節為道士皆定海人何中中書舍人奉使四川間變嘔血發疽死宋和郭節皆中書舍人何洲海州人俱走異域賣卜郭良為道士九人者

松陽王詒遊治平寺于轉輪藏上得書一卷載建文
亡臣二十餘人可辨者九人樂清樵夫聞殺方博士
號哭投港橋下死臨海東湖樵夫聞新詔痛哭投湖
死儲福無錫人妻范年二十有貴官間其色欲委禽
焉執刀自防養姑以卒龔珣字大章崑山人宣德中
巡撫兩薦之辭曰珣仕無害于義恐負往日城門一
慟耳本朝乾隆四十一年追諡練子寧忠肅卓敬
忠毅陳迪巨敬慕昭王良姚善陳彥回忠烈廖昇王
民龔泰周是修黃觀茅大芳胡閏王叔英高巍黃鉞
曾鳳韶劉璟忠節侯泰郭任高翔張彥方周繼瑜陳
質烈愍練大亨葉福程本立鄒瑾魏冕鄒朴盧迥黃
魁周璿戴德彛陳繼之韓永林英謝申甘霖丁志方
董鏞宋徵徐子權陳思賢王度張倫蔡運節愍陳鳳
山陳丹山侯敬祖侯玘郭經茅順童茅道壽胡傳道
伍性原陳應宗林珏鄒君默曾廷瑞呂賢葉希賢牛
景先程濟河西儲補錫匠馮翁雲門僧若耶溪樵玉

山樵者梁田玉梁良玉梁良用梁中節何中宋和郭節何洲郭良樂清臨海二樵夫儲福龔翊並入祠

發明

惠帝以柔牽之資丁強藩之逼智力兼困以至亡然其天性仁厚親賢好學除軍衛單

丁減蘇松重賦澤施未久善政在民是以天命雖移人心猶結而成祖本由逆取復果于殘殺一時忠義如林蹈九死而不悔何其酷也至若遜山逃海諸人流離習昧身之既隱焉用文為而間風感興若將親炙然疑交作所由來矣夫據左氏傳則程嬰杵臼皆為烏有然馬遷逸事人人樂道故明史以為與其過而去之寧過而存之忠貞之氣屈極而伸至今四百年後易名列祀折一衷而定論見他說以闕疑所以揭幽潛于日月懼亂賊于春秋豈不隨歟

遷孝康皇帝主于陵園

仍舊謹稱懿文太子遣安王楹祭告遷其主于陵園
太后呂氏仍稱太子妃改封吳王允烜廣澤王衡王
允燧懷恩王徐王允熙敷惠王隨母妃呂氏居陵園
尋廢允烜允燧為庶人銅鳳陽改封允熙為甌寧王
奉太子祀

秋七月革建文年號

詔以今年為洪武三十五年明年為永樂元年建文
中更改諸法一復舊制山東北平河南被兵州縣復
徭役三年未被兵者與鳳陽淮安徐滁揚三州
蠲租一年餘天下州縣蠲今年田租之半**質實**
祖不欲用惠帝年號又不欲于季夏改元故于即位
之初仍以洪武三十五年為紀說者遂謂止改是年
不知據成祖實錄是年六月己巳即位庚午命五府
六部一應建文中所改易洪武政令條格悉復舊制

陳瑛通燕府密
謀受其賄賂其
不忠于建文實
甚永樂不能聲
其罪而加之顯
罰已有愧于漢
高之斬丁公特
令其入居憲職

召陳瑛為左副都御史

遂仍以洪武紀年今年稱洪武三十五年秋七月壬午朔下詔改明年為永樂元年又按實錄洪武三十一年十月定北平守城功賞以歲月久近為第洪武三十二年至三十五年為上洪武三十三年至三十五年次之洪武三十四年至三十五年又次之則是革除之明證矣其後史官修實錄于洪武三十五年六月以前但書元二三四四年而無號蓋曲為遷就以掩其非所謂名不正則言不順亦不足置辨矣

瑛前以受燕邸金通密謀謫廣西至是召為副都御史署院事瑛天資殘忍受寵任益務刻深言廷臣效死建文者如黃觀廖昇王叔英周是修王良顏伯璋等其心與叛逆等請追戮之帝不聽後瑛聞方孝孺等獄詞遂簿錄觀叔英等家疎族外親莫不連染胡閔之獄所籍數百家號冤聲徹天兩列御史皆掩泣

遂欲追戮効死
諸臣希音生風
奸狡尤為巨測
及未行聽許輒
以獄辭株牽簿
錄寃及無辜殆
不止於羅鉗吉
網猶復覲然自
以為出之有名
真屬喪心無恥
永樂本以遂取
而即位之始首
擢是人其殘忍
刻薄尚可問乎

瑛謂人曰不以叛逆處此輩則吾
等為無名于是諸忠臣無遺種矣

復官制

吏部言建文中凡中外大小衙門有創革陞降官員
額數有增減者及所更改文武散官並宜遵復舊制
帝曰前人創制皆有深意行之既久無
弊輒改此其所以敗亡也俱速改復舊

以房吉田慶張本為揚州知府

滁州知州房吉首詣軍門朝見泰州知州田慶協謀
効順江都縣知縣張本率全城歸附皆擢揚州知府
吏部言今揚州已有知府
質寶江都縣漢置明為揚
譚友德帝命同理府事
州府治今因之張本

字致中
東阿人

發明

成祖但知賞迎附之功而不以任賢安民為務一郡而太守四焉幾于治絲而棼之矣一

時刑賞不
亦濫乎

八月以侍讀解縉編修黃淮入直文淵閣侍讀胡廣修

撰楊榮編修楊士奇檢討金幼孜胡儼同入直預機務

初縉入臨太祖為有司所劾謫河州衛吏建文中以董倫薦官翰林待詔帝即位擢侍讀與淮常立御榻左備顧問或至夜分帝就寢猶賜坐榻前語機密至是命七人同入直預機務謂之內閣內閣之名及參預機務皆自此始帝于宮中得建文時羣臣所上封事千餘通有干犯者命縉等徧閱有闕軍馬錢糧數日者留餘悉焚之從容問曰爾等亦有之乎眾稽首未對修撰李貫進曰臣實無之帝曰爾以獨無為

賢耶食其祿者任其事爾等前日事
彼則忠于彼今日事朕當忠于朕耳

執兵部尚書鐵鉉至不屈殺之

初燕兵渡江鉉屯淮上兵亦潰至是執鉉至反背坐
廷中嫚罵令其回顧終不可遂磔于市年三十七子
福安戍河池父仲名年八
十三母薛並安置海南

質實

河池宋置縣明永樂
六年升州屬慶遠府

今因之紀事本末鉉被執不屈割其耳鼻不肯顧
其肉納口中問曰甘否鉉厲聲曰忠臣孝子肉有何
不甘遂寸磔之罵不絕昇大鑊油熬之屍不可轉令
內侍以鐵棒十餘夾持之使北面笑曰爾今亦朝我
耶油沸感濺起丈餘仍反背如故乃大驚詫命葬之
幼子康安充匠死或曰先死二女發教坊終不辱

本朝乾隆四十一年
追諡鐵鉉忠定

殺御史大夫景清夷其族

清個儻尚大節燕師入諸臣死者甚衆清獨委蛇班
行人怪之一日早朝衣緋懷刃入先是欽天監奏異
星赤色犯帝座甚急帝故疑清及朝清獨著緋搜得
所藏刃詰責之清奮起曰欲為故主報讐耳遂磔于
市族之籍其鄉轉相攀染質實王鏊守溪筆記文皇
謂之瓜蔓抄村里為墟至金川門百官迎拜
江次清獨直立罵不已乃命左右抉其齒且抉且罵
含血直噴上衣乃命醢之罪及九族久之上晝寢夢
清入殿追之上曰清猶能為厲耶乃籍其鄉轉相攀
染謂之瓜蔓抄其說與明史異紀事本末有青州教
授劉固者依清居清遇害連及固與弟國母袁氏同
受刑于聚寶門外固子超年十五有膂力臨刑仰天
大呼網索俱斷奪刀連殺十餘人詔磔之
本朝乾隆四十一年追謚景清忠壯

九月論邱福等三十人功封爵有差

邱福淇國公朱能成國公張武等侯者十三人徐祥
等伯者十一人又以歟附功封王寧為侯茹瑯陳瑄
王佐皆**質實**張武封成陽侯陳珪泰州人封泰寧侯
為伯鄭亨合肥人封武安侯孟善海豐人封
保定侯霍親蒙古人封同安侯顧成封鎮遠侯王忠
孝感人封靖安侯王聰蘄水人封武城侯徐忠合肥
人封永康侯張信封隆平侯李達封安平侯鄭亮合
肥人封成安侯房寬陳州人封思恩侯徐祥大治人
封興安伯徐理西平人封武康伯李濬和州人封襄
城伯張輔字文弼玉長子封信安伯唐雲封新昌伯
譚忠淵子封新寧伯孫巖鳳陽人封應城伯房勝景
陵人封富昌伯趙彝虹人封忻城伯陳旭全椒人封
雲陽伯劉才字子才霍邱人封廣恩伯王寧封永春
侯茹瑯封忠誠伯陳瑄封平江伯王佐封順昌伯又

追封張玉榮國公譚淵崇安侯陳亨涇國
公王真金鄉侯 霍親舊作火真今改

冬十月重修太祖實錄

以建文中所修為失實乃重修之命李景隆茹瑺監
修前纂修官南昌知府葉惠仲以直書燕起兵事族

誅
質實

本朝乾隆四十一年
追謚葉惠仲節愍

十一月立妃徐氏為皇后

后中山王
徐達之女

御定資治通鑑綱目三編卷四

欽定四庫全書

御定資治通鑑綱目三編卷五

起癸未明成祖永樂元年凡七年
盡己丑明成祖永樂七年

未成祖文皇帝永樂元年春正月復周齊代岷四王國

帝即位復四王爵遼王植改封荊州至是四年皆予
舊封各令之國谷王穗以開門功賞賜優渥尋徙封

長沙遼府長史程通建文朝上封事陳禦備策有言
其多指斥者下獄死并捕其友人徽州知府黃希范

論死籍質實按明史諸王表以遼王植之改封荊州
其家系之永樂二年而遼簡王傳云建文中

燕兵起植渡海歸朝改封荊州是又謂植之改封在
建文時攷明成祖實錄洪武三十五年九月敕遼王

植曰弟以遼地荒遠經涉海洋固請改國荊州且以
廣寧重鎮就留三護衛于彼以益邊防欲于荊州別
給一衛備使令言之再三却而復至勉從所請建國
荊州而仍舊封號則植之改封荊州實于成祖即位
之九月明史表傳皆誤本朝乾隆
四十一年追議程通黃希范節愍

以北平為北京

設北京留守行後軍都督府行部國
子監行太僕寺改北平為順天府
質實行都督府
置左右都
督同知僉事等官行部置尚書二員
侍郎四員所屬六曹各設郎中等官

二月遣御史分巡天下

命監察御史分詣各布政司巡視民彙自是
為定制至洪熙元年定出巡之期以八月

徙寧王權于南昌

初權之被誘入關也帝許以事成中分天下及即位留之京師時大寧殘廢已無可歸乃乞改南土請蘇州及錢塘皆不許封之南昌詔即布政司為邸領甌規制無所更已而有告權巫蠱誹謗者密探無驗得已權自是日韜晦構精廬一區讀質實姜清秘史王書鼓琴其間終帝之世得無患屏從兵與老中官數人偕往南昌稱病卧城樓乞即封南昌帝不得已封之考明史寧王以善謀稱既被成祖誘執復不許封內地當必圖免禍自全豈有不俟命而徑往南昌之理成祖實錄云遣王之國賜鈔一萬錠親製詩送之野史不足據也錢塘秦錢塘縣政唐為塘明為杭州府治今因之

遣中官侯顯等使外域

帝聞烏斯藏僧哈里馬勒善幻化欲致一見因通迤
西諸番命顯齋書幣往迓選壯士健馬護行未幾又
遣馬彬使爪哇蘇門答刺諸國李興使暹羅尹慶使
滿刺加柯枝諸國于是中官銜命異域者紛紛四出
矣質實

瓜哇在占城西南宣德七年入貢表書一千
三百七十六年蓋漢宣帝元康元年乃其建

國之始蘇門答刺在占城西南海中或言即漢條支
唐波斯大食二國地西洋要會也暹羅即隋唐赤土
國後分為暹與羅斛二國元時羅斛并有暹地遂稱
暹羅斛洪武十年來朝賜暹羅國王之印自是始稱
暹羅滿刺加在占城南海中或言即古頓遜唐哥羅
富沙柯枝在西海中或言即古盤盤國
舊作哈立
麻今改

三月徙大寧都司于保定始以大寧地畀烏梁海

初北平兵起厚賂三衛說之來既誘執寧王權乃選
烏梁海三千人為奇兵從戰至是改北平行都司為
大寧都司從保定遂割大寧地畀烏梁海以償前勞
自是洪梁中所築諸城盡廢北邊失一重鎮天順末
末遼為東西及三岔河北故地悉為質寶遼河在奉
烏梁海所有遼東宣府聲援隔絕矣天府西一
百里有東西二源自邊外合流而南經開原鐵嶺二
縣西又南經承德遼陽海城之西又南入海三岔河
一作三岔河遼河經鐵嶺縣北清河自東來會入
雙峽口西南分為二曰內遼河外遼河遼縣之西南
合為一至開城為巨流河又分流復南匯經海城縣
之西與太子河會謂之三岔河左右即遼東遼西所
分由

命平江伯陳瑄等督海運餉北京遼東

洪武中靖海侯吳禎等先後督江浙邊海衛軍歲轉
運餉至三十年以遼餉贏羨罷海運及是北方軍儲
不足乃命瑄與都督僉事宣信帥舟師由海道
運糧四十九萬石餉北京遼東自後歲以為常

振直隸北京山東河南饑

夏四月命戶部尚書夏原吉浚吳淞江

時蘇松嘉湖數郡頻年水災命原吉治之原吉上言
浙西諸郡蘇松最居下流嘉湖常頗高環以太湖綿
亘五百里納杭湖宣歙溪澗之水散注澱山諸湖以
入三泖頃為浦港湮塞漲溢害稼拯治之法在濬吳
淞諸浦按吳淞江袤二百餘里廣百五十餘丈西接
太湖東通海前代常疏之然當潮汐之衝旋旋旋塞
自吳江長橋抵下界浦百二十餘里水流雖通實多
窄淺從浦抵上海南踰浦口百三十餘里潮汐淤塞

已成平陸灔沙游泥難以施工嘉定劉家港即古婁江徑入海常熟白茆港徑入江皆廣川急流宜疏吳淞南北兩岸安亭等浦引太湖諸水入劉家白茆二港使其勢分松江大黃浦乃通吳淞要道今下流遏塞難瀆旁有范家浜至南踰浦口徑達海宜瀆令深濶上接大黃浦達泖湖之水庶幾復禹貢三江入海之舊水道既通乃相地勢各置石閘以時啟閉每歲水涸時預修圩岸以防暴流則水患可息帝命發民丁開瀆原告晝夜經畫布衣徒步以身質實吳淞江即先之明年原告復行九月功遂成

太湖分流經吳江縣東南下流至嘉定縣入海太湖在蘇州府西南常州府東南湖州府北周五百里亦曰五湖震澤具區笠澤皆是也歙縣秦置明為徽州府治今因之澱山湖在崑山縣東南八十里松江府西北七十二里澱山湖舊在湖中歲久沙淤山去湖十餘里三泖即泖湖在婁縣西三十五里有上中下三

名北為上泖亦曰圓泖中為大泖南為下泖亦曰長
泖長橋在吳江縣東二里長一百三十丈下界浦一作
夏駕浦在崑山縣東南二十里南臨浦舊志在上海
縣東北三十六里今堙劉家浜即劉河口在嘉定縣
北二十四里太倉州東南七十里婁江入海之口也
常熟縣梁置唐移置于故海虞城明屬蘇州府今因
之白泖港在常熟縣東七十里今日白茆浦在太倉
州東北宋嘗置砦于此安亭在崑山縣東南四十五
里今有鎮大黃浦在松江府東南十八里首受三泖
諸水東流經華亭諸縣至上海縣東北合吳淞江入
海相傳楚春申君所鑿亦名春申浦范家浜在松江
府東二十五里三江史記正義蘇州東南三十里名
三江口一江西南上七十里至太湖曰松江一江東
北下三百餘里入海曰下江亦曰婁江一江東南上
七十里至白蠟湖曰上江亦曰東江方輿記要云按
原吉治水時多艷稱之議者謂原吉浚白茅欲以洩

湖水不知白茅勢高于湖終不足以洩震澤之水又鑿下駕浦掣吳淞江水北達婁江不知婁江雖通僅自復故道而新洋下駕二浦橫衝松江之腹是反為之害也又浚上海范家浜掣吳淞江南達黃浦入海不知松江為東西橫流大水勢順流駛黃浦為南北縱流小水勢逆流緩導南北之縱浦奪東西之巨流是通其小而塞其大計一時之近功忘百世之遠圖也其後三吳多水患實原吉創垂未善云

秋八月徙富民實北京

時發流罪以下墾北京田又徙直隸蘇州等十郡浙江等九省富民實之

削歷城侯盛庸爵尋自殺

帝初命庸鎮淮安旋移山東庸常不自安陳英誣以心懷異謀遂削其爵庸自殺

冬十一月頒大統歷于朝鮮諸國

北京地震

閏十一月封胡奎為安南國王

安南既列藩封其篡弑相尋國王法所必討然成祖自燕邸稱兵身冒不韙其得國所自與胡奎父子亦何甚遲庭成祖既欲明正其罪然自返慚德何以為辭顧乃令具狀上聞興師進討

建文初黎季犛弑國王陳日焜立其子顯又弑之立其弟炎復弑炎而篡其位更姓名曰胡一元名其子蒼曰胡奎謂出帝舜裔胡公後僭國號大虞年號元聖尋自稱太上皇傳位于奎朝廷不知也帝初踐祚奎遣使奉表朝貢詭言安南王陳氏嗣絕臣陳氏甥為眾所推乞賜封爵帝遣使齎敕諭其陪臣耆老詢以陳氏繼嗣有無及推立誠偽奎隨遣使還奏遂詔封奎未幾安南舊臣裴伯耆詣闕告難言臣祖父皆執政大夫死國事賊臣黎季犛乃故經畧使黎國髦之子弑主篡位屠戮忠良滅族者以百十數臣兄弟

其與楚靈王負
歲封斧質以徇
于軍者又何以
異所以歸國之
請使方來而芹
站之伏兵已起
坐為遠夷所侮
雖由黃中等昧
于機宜亦其德
不足以服遠雖
備以兵威終無
益也

妻孥亦遭害臣禦寇東海遁逃詣關明年老嫗送前
國王曰燧弟陳天平來奔請兵復讐奎方使賀正旦
帝出天平示之皆錯愕下拜有泣者伯耆責使者以
大義帝始悔封奎之悞遣使詰責令具篡弑之狀以
聞奎復遣使謝罪請迎天平歸國帝信之三年冬遣
都督僉事黃中呂毅以兵納天平於安南四年春將
至芹站山徑險惡奎伏兵邀殺天平輔行薛崑自經
死中等整兵欲戰橋斷不得前引還帝大怒決意興
師徵中毅至貸其質實成祖實錄陳天平奏云臣天
死隨軍立功自贖質實平前安南王烜之孫天明之
子日燧弟也日燧卒弟瞰立于現繼之現子顯顯子
炎皆為黎季犛所弑與史傳小異老嫗古不通中國
成祖即位土官刀線歹貢方物始置老嫗軍民宣慰
使司其地南至交趾西北六十八程至雲南布政司
今為南掌國芹站在安南國舊諒山府雞陵關南呂
毅項城人奎有低郎二音又七修類稿安南黎季犛及

子查聲疑即擄字音昨
查權上聲玉篇甚大也

始命內臣出鎮

明祖嘗樹鐵牌
于宮門永禁宦
官用事然未使
覲軍洪武已開
其漸則禁諭亦
徒為虛語至成
祖而出使外域
分鎮諸邊監京
營制東廠凡後
世弊政無不以
身先之原其始
皆由深德建文
時之宦寺逃附
洩言因而重加

初惠帝御內臣嚴燕兵逼江北多逃入軍中漏朝廷
虛實帝深以為忠於已及即位封賞既行諸宦官言
功不已帝患之會鎮遠侯顧成都督韓觀劉真何福
等出鎮貴州廣西遼東寧夏諸邊乃命宦官有謀者
與之偕行賜公侯服位諸將上未幾雲南大同甘肅
宣府永平寧波亦各相繼遣使已又設京營提督大
權悉以委寄遂**質實**王世貞史料以中官出鎮自永
為一代厲階**質實**樂八年遣馬靖始明史本革除
備遺錄始于元年特書
于本紀今據之書于此

甲申
二年春三月始選進士為翰林院庶吉士

委任遂貽作俑
之謀未幾黃儼
幾危儲貳馬騏
致亂女南禍敗皆
當時立見矣待
後嗣為然哉

先是庶吉士不專屬翰林及是春廷試進士賜曾榮
等及第出身有差復命於第二甲擇文學優等楊相
等五十人及善書者湯流等十人俱為翰林院庶吉
士于是庶吉士遂為翰林官尋又命學士解縉等選
才資英敏者就學文淵閣縉等選修撰榮庶吉士相
等二十八人以應二十八宿之數庶吉士周忱自陳
年少願學帝喜而俞之時人謂之質實選進士為翰
林宿以其在二十八宿之外也質實選進士為翰
謂之館選其後或開科一選或連科屢選或數科不
選所選多寡無定額比三年試之其留者二甲授編
修三甲授檢討不得留者為給事中御史主事或外
為州縣官謂之散館宣德五年始命學士教習萬歷
以後掌教習者以吏禮二部侍郎為之曾榮字子放
永豐人楊相泰和人湯流泰和人周忱字恂如吉水
人按實錄縉等選修撰曾榮編修周述周孟簡庶吉
士楊相劉子欽彭汝器王英王直余鼎章敬王訓榮

廣敬王道熊直陳敬宗沈升洪順章朴余學夔羅汝
敬盧翰湯流李時勉段明倪維哲素添祿吾紳楊勉
二十八人就學文淵閣命司禮監月給筆墨紙光祿
給朝暮膳禮部月給膏燭鈔人三錠工部擇近第宅
居之周述字崇述吉水人孟簡述從弟劉子欽吉水
人彭汝器安福人王英字時彥金谿人王直泰和人
余鼎星子人章敞字尚文會稽人王訓廬陵人柴廣
敬餘姚人王道永嘉人熊直豐城人陳敬宗字光世
慈谿人沈升海寧人洪順懷安人章朴寧海人余學
夔泰和人羅汝敬吉水人盧翰星子人李時勉名懋
以字行安福人段明字時舉武進人倪維哲一作惟
善晉江人素添祿衡山人吾紳字叔縉開化人楊勉
人江寧

夏四月立子高熾為皇太子封高煦為漢王高燧為趙

王

帝初起兵高煦常從戰有功帝以為類己高煦亦以此自負謀奪嫡及議建儲邱福等言高煦有功宜立獨金忠力爭以為不可帝召解縉問之縉稱皇太子仁孝天下歸心帝不應縉又頓首曰好聖孫為皇孫瞻基也復問黃淮尹昌質實高煦初封雲南後改樂隆對與縉同帝意乃決質實安高燧封彰德皇孫瞻基仁宗孝誠張皇

后生是為宣宗

以僧道衍為太子少師

道衍從帝藩邸定策起兵戰守機事皆決焉帝即位授道衍僧錄司左善世及是論功為第一拜資善大夫太子少師復姚姓賜名廣孝帝與語呼為少師而不名命蓄髮不肯賜第及兩宮人皆不受常居僧寺

退朝仍緇衣帝往來兩都出塞北征留輔太子於南京皇長孫出閣就學又侍說書

六月汰冗官

帝以吏部所錄中外官數比舊額增數倍命汰之尚書蹇義等言在京各官額外添設者送部別用在外令所隸上官嚴行考覈今年所取二甲三甲進士量留七十員分隸諸司觀政各王府教授伴讀缺於第三甲內選用餘悉遣歸進學從之

封哈密恩克特穆爾為忠順王

哈密伊吾盧地元末以威武王納固爾鎮之改封肅王卒弟恩克特穆爾嗣帝即位遣使招諭遂入貢詔封忠順王明年迤北汗郭勒齊毒死質實伊吾盧之以病卒開命其几子托克托襲封後漢置

宜禾都尉於此唐置伊州明設哈密衛其後為土爾
番所據今編旗視各蒙古有通判駐之在嘉峪關西
北一千六百里納固爾元族子恩克特穆爾舊作安
克帖木兒納固爾舊作納忽里托克托舊作脫脫今
並改

秋九月周王橐來朝獻騶虞

百官請賀帝曰祥瑞之來易令人驕是以明主遇祥
自警未嘗因祥自怠警怠者國之安危繫焉騶虞若
果為祥在朕更當修省

以胡儼為國子祭酒

儼在閣承顧問嘗不欲先人然
少戇帝以為祭酒遂不預機務

冬十月河決開封

命河南都司布政司城池有衝決者即修之

黃河清

蒲城河津黃河清十二質實河津宋宣和初改龍門月同州韓城黃河亦清縣曰河津明屬蒲州今屬絳州同州西魏置明屬西安府今升府韓城隋改夏陽縣曰韓城明屬同州今屬同州府

籍長興侯耿炳文家炳文自殺

炳文為惠帝懿親首先總師北伐成祖已立豈尚復能保全先後同此一死死于前不失為盡

刑部尚書鄭賜都御史陳英劾炳文衣服器用有龍鳳飾玉帶用紅鞵僭妄不道詔籍其家炳文遂自殺子璿前軍都督僉事尚懿文太子長女江都公主建文初進駙馬都尉炳文北伐璿勸直搗北平不聽帝

忠死于後有愧
于金節實由貪
生之一念悞之
盛庸平安輩皆
以此貽譏史冊
若李景隆之
從逆迎降更
不足齒矣

即位璿稱病不出坐罪死弟璉後軍都督僉事與弟
尚寶司卿瑄皆坐罪死炳文雖太祖功臣然以惠帝
肺腑戚故賜等
希旨劾之遂及

十一月京師地震

濟南開
封亦震

蠲蘇松嘉湖杭水災田租

十二月李景隆有罪削爵

初景隆以迎降功加太子太保授左柱國朝廷有大
事景隆以班首主議諸臣皆不平周王首發其建文
時至邸受賕事廷臣復劾其與弟增枝謀逆有狀詔
削勲號絕朝請至是李至剛復言其居家不道事遂

奪爵固私質實

李至剛名綱以第籍其家質實字行華亭人

乙酉三年春正月韃靼索和爾內屬

初北平兵起會果勒齊弒坤特穆爾稱汗遣使賀之遂與通和其國公趙圖魯根等率衆助戰並厚加犒賜及帝即位屢使致書果勒齊賜之銀幣并及其知院阿魯台等至是阿魯台別部索和爾及察罕達魯噶等先質實索和爾舊作埽湖兒趙圖魯根舊作後來歸質實脫列干達魯噶舊作達魯魯花今並改

免順天永平保定田租二年

以數年用兵供給特勞故休息之

二月命趙王高燧居守北京

鄭和以中官衛
命遠厯重洋辱
國體而取侮外
夷莫此為甚且
金真率兵數萬
廣費金帛以為
招徠之具更為
謬妄不經其所

夏四月除直隸浙江湖廣四川廣東江西福建河南戶
絕田租

計田三萬五千一百八十餘頃是春免湖廣被水田
租六月振蘇松嘉湖饑免天下農民戶口食鹽鈔秋
九月蠲蘇松嘉湖水災田
租凡三百三十八萬石

六月遣中官鄭和使西洋

帝疑建文帝亡海外命和及王景弘等蹤跡之多齎
金幣率兵二萬七千餘人造大船六十有二由嘉定
劉家港泛海至福建達占城以次遍歷西洋頒天子
詔宣示威德因給賜其君長不服則以兵懾之五年
和等還諸國使者隨和朝見帝大喜未幾復命和往
遍賚諸國由是來朝者日衆和先後凡七奉使三擒

稱囑以兵威三擒酋長焉知非出自鄭和緣飾即諸番之相隨入貢亦不過貪中朝通商厚利非真慕化抒誠此皆當時閹寺矜奉使之榮且欲陰資其利故爾謬張其實其事皆未可盡信至惠帝出亡本屬疑案若云潛跡海外尤荒誕無稽成祖此舉

番長諸番利中國貨物益互市通商往來不絕故當時有三保太監下西洋之說而後之奉命海表者莫不咸稱和以誇外番然中國前後耗費亦不貲其隨行軍士或以舟敗漂沒異國有十餘年始得還者什不存一二質實鄭和雲南人初使擒舊港酋陳祖義舊港故云質實三佛齊國也使擒錫蘭國王伊埒古鴉爾及其妻子最後蘇門答刺王錫幹拉謀弑其主并欲殺和和率兵討擒之和是年奉使五年九月還六年九月再使九年六月還十年十一月往十三年七月還十四年冬往十七年七月還十九年春往二十年八月還二十二年正月往比還成祖已晏駕洪熙元年二月仁宗命和以下番諸軍守備南京南京設守備自和始宣德五年六月和景弘復奉命歷忽魯謨斯等十七國而還和事三朝所厯占城爪哇真臘舊港暹羅古里滿刺加渤泥蘇門答刺阿魯柯大葛蘭小葛蘭西洋瑣瑣里加異勒阿撥把丹南巫里甘

仍是欲實其遜國之跡以圖掩篡弑之名觀和等還朝並無一語及建文踪跡更足知其本意之所在矣

成祖于建文諸臣屠戮殆盡梅殷固守淮上抗拒綏時而獨免

把里錫蘭山南渤利彭亨急蘭丹忽魯謨斯比刺溜山孫刺木骨都東麻林刺撒祖法兒沙里灣泥竹步榜葛刺天方黎伐那孤兒凡三十餘國伊埠古魯爾舊作亞烈苦奈兒錫幹拉舊作蘇幹刺今改正遣中官山壽帥師出雲州

時命武城侯王聰覘邊兵別遣山壽帥騎兵出雲州北行會之人齋一月糧每三十里置五騎以待馳報官者典兵質實雲州驛在今赤城縣北三十里即元自此始增設千戶所本朝改設守備五年置城戌為雲州堡景泰五年

冬十月殺駙馬都尉梅殷

初殷守淮安悉力防禦及帝即位殷尚擁兵淮安帝迫公主齧血為書招之殷得書慟哭乃還京既入見

於就誅不知者謂以肺腑獲全其實成祖久蓄猜嫌必不能留此心腹之患特不欲顯加之罪故迫為血書招之使來以圖易制耳故奸邪窺見其意旨陳瑛甫劾瑛深蒙遂從而擯殺之當時未聞詰其致死之由則其隱微固可知矣繼因公主恸哭陳情

帝曰駙馬勞苦對曰勞而無功徒自愧耳帝默然二年陳英奏殷祝詛畜養亡帝命執殷家人送遼東至是殷入朝都督僉事譚深指揮趙曦擠殷死橋下以殷自投水聞公主牽帝衣大哭問駙馬安在帝曰為主跡賊無自苦尋都督同知許成發其事帝命法司治深曦罪深曦大呼曰上命也奈何罪臣帝大怒立斬之籍其家封成永新伯官殷二子順昌為中府都督同知景福為旗手衛指揮使鄂爾和者降人也事殷久請於帝斷深曦手足剖其腸祭殷遂自經死又國子博士黃彥清坐在殷軍中私謚建文帝誅死

質實

黃彥清歙縣人本朝乾隆四十一年追謚彥清節愍鄂爾和舊作瓦刺灰今改正

十二月沐晟討八百大甸降之

初洪武二十一年八百入貢設宣慰司自是及永樂初頻入貢賜予如例二年以土官刀招你為八百者

姑歸罪嘆深以
釋怨而其跡究
不能掩即無橋
下之謀殷又安
能晏然終老牖
下乎

乃宣慰使其弟刀招散為八百大甸宣慰使已而遣
內官齎敕諭孟定孟養等部道經八百大甸為招散
所阻及是晟帥車里諸宣慰兵至八百境破其猛利
石崖及者答二寨又至整線寨木邦兵破其江下等
十餘寨八百恐詣質實八百世傳部長有妻八百各
軍門降勅班師領一寨因名八百媳婦元元
統初招附置八百等處宣慰司其地東至車里南至
波勒西至大古喇與緬鄰北至孟艮好佛惡殺寺塔
以萬計俗名慈悲國嘉靖間為緬所并其酋避暑景
線為小八百孟定本古蠻地名景麻甸元至元中置
孟定路軍總管府明洪武十五年改孟定府後廢成
祖即位復置今因之隸永昌府孟南漢永昌西徼地
蠻名迤水元至元中置雲遠軍民總管府明洪武十
五年改雲遠府十七年改孟養府後廢成祖即位復
置永樂二年改宣慰使司今為孟艮土司地車里古
產里元置撒里路軍民總管府洪武十五年改置車

里軍民府天啟中亡于緬木邦一名孟邦元立木邦
木邦路軍民總管府洪武十五年改木邦府後廢成
祖即位復置永樂二年改宣
慰使司在今永昌府徵外

丙戌 四年春正月初御午朝

諭六部及近臣曰早朝四方奏事多君臣之間不得
盡所言午後事簡卿等有所欲言可從容陳論毋以
將晡朕倦於聽納朕有所欲言
者亦欲及此時與卿等商榷也

三月帝詣國子監行釋奠禮

帝服皮弁行四拜禮御彝倫堂授經設几榻賜講官
及大臣翰林坐祭酒司業博士助教序進坐講諸生
圍立以聽祭酒胡儼講堯典質實張智順
司業張智講泰卦賜百官茶昌人

置開元廣寧馬市

設馬市三一在開原南關以待海西一在開原城東一在廣寧以待朶顏三衛既而城東廣寧市皆廢惟南關市獨存

夏四月詔求遺書

帝視朝暇輒御便殿閱書史召翰林儒臣講論嘗問文淵閣經史子集皆備否學士解縉對曰經史粗備子集尚多闕乃命禮部遣使四出購求遺書

振常州廬州安慶饑

是秋九月振蘇州常州嘉湖流民復業者十二萬餘戶

六月己未朔日有食之

是日陰雲不見禮部尚書鄭賜請賀帝曰天下至大他處見者多矣且陰陽家言日食而陰雲不見者水將為災可賀乎不許

秋七月以成國公朱能為征夷將軍帥師討安南

帝大發兵討安南命能為征夷將軍沐晟張輔副之帥十八將軍分道進能出廣西晟出雲南詔之曰安南皆朕赤子惟黎季犛父子首惡必誅他脇從者勿治罪人既得擇陳氏子孫賢者立之母養亂母玩寇母毀廬墓母害禾稼母攘財貨掠子女母殺降有一於此雖功不宥焉

閏七月營北京宮殿

齊岷二王皆惠帝所廢成祖既還其故封謂當格備屏藩以長保富貴乃未幾棹以兇暴驕縱梗以沉湎擅殺並坐廢削可見二王前日之禍實由自取不得尤建文為過舉矣惟是齊岷在建文時罪未昭彰遽加貶絕不能申大義於天下則由其君臣

廷臣請建北京宮殿以備巡幸乃分遣大臣詣川湖各省採木命恭寧侯陳珪等董治鉅覺徵天下工匠選在京諸衛及河南山東等處軍民赴北京供役期以明年五月興工

八月齊王棹有罪廢為庶人

棹性凶暴復國後益驕縱帝賜書戒之不悛五月棹入朝廷臣劾棹罪棹厲聲曰奸臣喋喋又欲效建文時耶會盡斲此輩帝聞之怒留之京邸削官屬護衛及是召其子至並廢為庶人

冬十月朱能卒於軍詔以張輔代之

能至龍州病卒追封東平王謚武烈

十一月高文雅上書言事詔授以官

措置失宜不及
致詳而發之驟
遂不免貽燕師
口實然其所以
甚禍實皆由洪
武之封建耳

先是通政使受四方章奏非重務不以聞帝知之降
旨切責至是戶部人材高文雅上書言時政首舉建
大事次及救荒卹民陳瑛劾其狂妄請罪之帝曰草
野之人不知忌諱言苟可採勿以直而廢之諭鄭賜
曰不罪直言則忠言進諛言退瑛刻薄
非助朕為善者命吏部量授文雅官

十二月赦

先是五月諭法司曰決獄貴明而無滯前見刑部引
奏遼東衛官縱軍士往高麗者一指揮專理屯田未
嘗與知而一概逮繫久不疏決至於病危設死是枉
殺之也今天氣已熱徒流以下令所在發遣十一月
法司進月繫囚數凡數百人大辟十之一帝曰寒沍
淹禁必有死不當罪者凡雜犯死罪以下約二日悉
發遣至是大赦天下

張輔大破安南兵

輔軍出憑祥度坡壘關檄季犛二十罪進破隘留難
陵二關道芹站抵新福沐晟亦由蒙自蓮花灘出宣
光江徑野蒲斬木通道奪諸關隘營白鶴安南有東
西二都依宣洮沱富良四江為固賊緣江南岸樹柵
築城於多邦隘城柵橋艦連亘九百餘里兵七百萬
欲據險以老輔師輔軍次富良江遣都督朱榮破賊
於嘉林江遂與沐晟合軍進攻多邦城夜四鼓令都
督黃中等將死士人持炬火銅角越重濠雲梯傅其
城都指揮蔡福先登士蟻附而上角鳴萬炬齊舉遂
入城賊驅象迎戰輔以畫獅蒙馬衝之翼以神機火
器衆皆反走賊大潰迨至織圓山盡焚緣江木柵進
克東都輯吏民撫降附遣別將李彬陳旭取西都分
軍破其援兵三江州縣皆望風降季犛焚官室倉庫
遁入海明年春定東潮諒江諸府大破季犛舟師於

木九斬首質實憑祥宋憑祥峒明置縣後升州屬思
三萬餘級明府今為土州屬太平府坡壘關在

憑祥州西南界首關南三十里隘留關在安南舊諒
山府北隘留南為雞陵關又南為芹站永樂五年改

雞陵關為鎮夷關新福安南縣屬北江府在片站西
蒙自縣元置明屬臨安府今因之蓮花灘在蒙自縣

南為入安南大道即梨花江所經也宣光江在安南
舊宣化府曠縣北源自雲南臨安府教化長官司入

境流七百餘里達宣化野蒲隘在宣化府西北白鶴
江在安南舊興化府北東西二都交人以交州府為

東都即古龍編城以清化府為西都即古九真城洮
江即雲南瀾滄江下流經安南臨洮府謂之洮江其

北曰宣江亦曰宣化江其南曰沱江合流處曰三口
至文州界為富良江多邦隘在安南舊廣威州西嘉

林江在安南舊北江府西南富良江支流也以經嘉
林州故名織圖山在安南舊嘉興州東三江府領洮

江宣江沱江三州東潮州屬舊新安府諒江府在安南舊交州府東北木凡江在交州成祖實錄輔得謀報賊舟往來富良江距交州下流二十里又言季聲等聚舟於黃江等處遂領軍次木凡江水陸並進朱榮字仲華沂人

甌寧王允熙卒

郎中大王暴卒
年十六謚哀簡

丁亥五年春二月謫解縉為廣西叅議

縉建議立太子語稍稍傳外庭高煦深怨之縉縉洩禁中語帝怒遽出縉

三月封西僧哈里瑪勒為大寶法王

前年冬侯顯偕哈里瑪勒至帝令建齋於靈谷寺為
高帝高后薦福或言卿雲甘露青鳥白象之屬連日
畢見帝大喜侍臣多獻賦頌乃封哈里瑪勒萬行具
足十方最勝圓覺妙智慧善普應祐國演教如來大
寶法王西天大善自在佛領天下釋教
賜印誥其徒三人亦封灌頂大國師
質實靈谷寺
縣東北鍾
山之陽

夏四月皇長孫瞻基出閣就學

時生十
年矣

五月張輔禽黎季犛及其子蒼送京師

官軍追賊至膠州縣閭海口還至鹹子關賊以海艘
入富良江輔與沐晟夾岸迎戰都督柳升等以舟師

橫擊大破之季聲父子以小舟遁至海門涇鵲淺時
久晴水涸賊棄舟走官軍至驟雨水漲數尺舟畢渡
抵茶籠循舉厥江至日南州奇羅海口永定衛卒王
柴胡等生擒黎季聲於海口山中土人武如卿等獲
其子蒼於永益海口高望山及其偽太質實膠水縣
子諸王將相大臣等檻送京師安南平質實膠水縣
舊奉化府西南閩海口其地下濕不可駐鹹子關在
舊建昌府快州西北自東南海道入者此為要會之
處茶籠城在安南舊乂安府北奇羅縣在乂安府東
南方與紀要禽黎蒼於天琴山山在奇羅縣東是秋
八月前軍都督僉事高士文捕七源州餘寇至廣源
州遇寇力戰死輔遣將討平之高士文咸陽人贈建
平伯柳升
懷遠人

河南饑逮治匿災有司

諭都察院曰河南郡縣薦罹旱澇有司匿不以聞有言雨賜時若禾稼茂實者及遣人視之民所收十不及四五或十不及一至掇草實為食聞之惻然亟發粟振之已有飢死者此朕任用匪人之過已悉寘於法其榜諭天下有司凡災傷不以聞者罪之不宥

六月置交趾布政司以行部尚書黃福領之

求陳氏後不得乃以安南為交趾設交州北江諒江三江建平新安建昌奉化清化鎮蠻諒山新平演州乂安順化十五府分轄三十六州一百八十一縣又設太原宣化嘉興歸化廣威五州直隸布政司分轄二十九州縣其他要害咸設衛所控之置三司以前工部侍郎張顯宗福建布政司左叅政王平為左右布政司前河南按察使阮友彰為按察使命尚書黃福兼掌布政二司事呂毅掌都司黃中副之質實

成祖實錄改文趾龍興府為鎮蠻府建興府為建平府
天長府為奉化府新興府為新安府國威州為威蠻
州宣光州為宣化州上福州為福安州安邦州為靖
安州日南州為南靖州布政州為政平州明靈州為
南靈州龍眼縣為清遠縣安世縣為清安縣應天縣
為應平縣山明縣為山定縣上福縣為保福縣龍潭
縣為清潭縣丹鳳縣為丹山縣龍拔縣為龍拔縣天
施縣為施化縣古戰縣為古平縣統兵縣為統寧縣
佛誓縣為善誓縣天本縣為安本縣獨立縣為平立
縣黎家縣為黎平縣御天縣為新化縣費家縣為古費
縣安邦縣為同安縣安興縣為安和縣茶龍縣為茶清
縣杜家縣為古杜縣上路縣為路平縣上福縣為福
康縣布政縣為政和縣鄧家縣為古鄧縣左布縣為
左平縣世榮縣為士榮縣餘仍其舊定文趾所隸州
縣交州北江諒江三江建平新安建昌奉化清化鎮
蠻諒山新平演州又安順化總十五府以威蠻福安

三帶慈廉利仁五州隸交州府本府親領東關慈廉
二縣威蠻州領清定清威應平大堂四縣福安州領
保福扶留清潭三縣三帶州領扶隆安朗扶寧安樂
立石元郎六縣慈廉州領丹山石室二縣利仁州領
清廉平陸古榜古者古禮利仁六縣以嘉林武寧北
江三州隸北江府本府親領超類嘉林二縣嘉林州
領安定細江善才三縣武寧州領仙遊武寧東岸慈山
安豐五縣北江州領新福善警安越三縣以諒江南
策上洪三州隸諒江府本府親領清遠古勇鳳山那
岸陸那五縣諒江州領清安安寧古隴保祿四縣南
策州領青林至靈平河三縣上洪州領唐濠唐安多
錦三縣以洮江宣江沱江三州隸三江府洮江州領
山園麻溪清波夏華四縣宣江州領東欄虎巖西欄
三縣沱江州領隴拔古農二縣以長安州隸建平府
本府親領懿安安平立大灣望瀛五縣長安州領
威遠安謨安寧黎平四縣以東潮靖安下洪三州隸

新安府本府親領峽山太平多翼阿瑰西關五縣東
湖州領東湖古貴安老水棠四縣靖安州領同安支
封安立安和新安大瀆萬寧雲屯八縣下洪州領長
津四岐同利清沔四縣以快州隸建昌府本府親領
俸田建昌布真利四縣快州領仙呂施化東結芙蓉
永涸五縣以美祿膠水西真順為四縣隸奉化府以
清化愛九真三州隸清化府本府親領古滕古弘東
山古雷永寧安定梁江七縣清化州領俄樂細江安
樂磊江四縣愛州領河中統寧宋江支俄四縣九真
州領古平結悅緣覺農四縣以新化廷河古蘭神溪
四縣鎮璧府七源上文下文萬崖廣源上思朗下思
朗七州隸諒山府本府親領新安如教丹巴邱溫
鎮夷淵董七縣七源州領水浪琴脫容披平縣六縣
上文州領杯蘭慶遠庫三縣以政平南靈二州隸新
平府本府親領福康衙儀知見三縣政平州領政和
古鄧從質三縣南靈州領丹商左平夜度三縣以演

州隸演州府演州領千冬芙蓉芙蓉瓊林四縣以南
靖驩二州隸入安府本府親領衙儀丞祿古杜支羅
真福土油倡江土黃八縣南靖州領河黃磐石河華
奇羅四縣驩州領石塘東岸路平沙南四縣以順化
二州隸順化府順州領巴閩利調安仁三縣化州領
利蓬士榮乍令茶倡思容蒲苔蒲浪七縣改太原等
五鎮為太原宣化嘉興歸化廣威五州直隸布政司
太原州領富良司農武禮洞喜永通宣化弄石大慈
安定感化太原十一縣宣化州領曠當道文安平原
底江牧物大蠻楊一九縣嘉興州領籠蒙四忙三縣
歸化州領安文盤文振水尾四縣廣威州領麻籠美
良二縣又設庫倉儒學醫學僧綱司稅庫司局河泊
所巡檢司遞運所鹽課司等官交趾城中立交州左
中右三衛富良江北立交州前衛昌江邱溫各立衛
市橋隘留關各立守禦千戶所設三江清化又安新
平順化五衛及演州南靖二守禦千戶所又設交州

後衛鎮夷諒山二衛及十五千戶所明年設文趾按察司之山南山北海東海西四道分司升太原州宣化州為府按此所載交趾疆域最詳足資考証故備列之張顯宗字明遠寧化人王平息縣人

以丁鈺為刑科給事中

山陽民里社賽神鈺誣訐其聚眾謀不軌坐死者數十人法司因稱鈺才可用立命為給事中伺察百僚小過輒上聞舉朝側目鈺居官十年貪黷不顧廉恥母喪未朝起復視事輒隨眾大祀齋宮復與慶成宴為言官所質實丁鈺山陽人

劾謫戍邊

質實

丁鈺山陽人

發明

告訐小人姦黠之事也給事耳目清切之官也帝於是可謂教民偷而濫天爵矣一時陳瑛紀綱馬麟秦政學趙緯李芳等肆其毒螫朝野

側目殃及無辜意旨所在其流滋甚是年刑部尚

書則呂震也都御史則陳瑛也瑛不足道史稱震為人佞諛傾險首先降附即迎旨舉鉦一節鄙夫情狀不亦可恥乎

秋七月皇后徐氏崩

后好讀書常為帝言當世賢才皆高皇帝所遺陛下不宜以新間舊又言帝堯施仁自親九族始帝輒嘉納初后弟增壽為惠帝所誅帝欲贈爵后力言不可不聽竟封之使其子景昌襲以告后后曰非妾志也終弗謝及是崩年四十有六帝悲慟為薦大齋於靈谷天禧二寺聽羣臣致祭光祿為具物謚曰仁孝皇后

冬十一月彗星見

諭趙王高燧曰彗星見燕分爾宜
謹慎出入伺察邊境毋或怠忽

修永樂大典書成

先是元年秋七月帝諭翰林侍讀學士解縉等曰天
下古今事物散載諸書篇帙浩穰不易檢閱朕欲悉
采各書所載事物類聚之而統之以韻嘗觀韻府回
溪二書事雖有統而紀載大畧爾等其如朕意凡書
契以來經史子集百家至於天文地理志陰陽醫卜僧
道技藝之言備輯為一書毋厭浩繁二年十一月翰
林院學士兼右春坊大學士解縉等進所纂錄韻書
賜名文獻大成既而上覽所進書尚多未備遂命重
修敕太子少師姚廣孝刑部侍郎劉季篪及縉總之
命翰林院學士王景侍讀士王達國子祭酒胡儼司
經局洗馬楊溥儒士陳濟為總裁翰林院侍讀鄒輯
修撰王褒梁潛吳溥李貫楊觀曾榮編修朱紘檢討

王洪將驥潘畿王侂蘇伯厚張伯穎典籍梁用行庶吉士楊相左春坊左中允尹昌隆宗人府經歷高得賜吏部郎中葉砥山東按察僉事晏璧為副總裁命禮部簡中外官及四方宿學老儒有文學者充纂修簡國子監及在外郡縣學能書生員繕寫開館於文淵閣命光祿寺給朝暮膳至是書成凡二萬二千九百三十七卷一萬一千九十五冊賜名永樂大典帝親製序冠之賜廣孝等二千一百六十九人鈔有差質實韻府羣玉元陰時夫陰中夫撰回溪史韻宋錢諷撰陳濟字伯載武進人以布衣召書成授右贊善梁潛字用之奉和人王洪字希範錢塘人王侂字孟揚閩人葉砥上虞人

戊子六年春正月岷王梗有罪削其官屬

梗在藩與沐晟交惡帝以書諭梗而詔戒晟梗沈湎廢禮殺戮吏民帝怒奪寶冊尋念梗建文中久囚繫

復予之概不悛削其官屬護衛洪熙
初徙武岡寄居州治久之始建王邸
質實武岡州宋
初府尋降州屬
寶慶府今因之

二月除北京逋賊

詔除北京永樂五年以前逋賦免諸色課程三
年三月除河南山東山西永樂五年以前逋賦

夏四月始命雲南鄉試

雲南巡按御史陳敏言雲南自洪武中已
設學校請如各布政司三年一試從之

五月京師地震

六月張輔沐晟班師還京

自唐之亡交趾淪于蠻服四百餘年至是復入版圖
輔等振旅還京上交趾地圖東西相距千七百六十
里南北相距二十八百里戶三百十二萬帝為賦平
安南歌論功輔封英國公晟封黔國公王友清遠侯
柳升安遠伯質實王友荊
餘爵賞有差州人

秋八月交趾復亂

大軍之討黎氏也陳氏故官簡定先降將遣詣京師
復逸去說化州偽官鄧悉阮師等下之定僭號稱大
越改元興慶出沒乂安化州山中大軍還即出攻盤
灘賊子闕扼三江府往來孔道諸州縣皆響應事聞
帝命沐晟以兵四萬討之至冬成與簡定戰於生厰
江敗績叅贊尚書劉儁被圍自經死呂毅及叅政劉
昱皆死明年春復命張輔王友帥師與晟協勦簡定
自稱上皇立陳季擴為帝改元重光季擴本蠻人詭

言陳氏後交人不忍陳氏之
亡相率歸季擴賊勢益張
質實生廐江在交州府西劉昱武城人

九月詔里獄囚

科臣劾刑部都察院淹禁罪囚瘐死者衆帝召尚書呂震等切責期三日內悉疏雜犯死罪以下囚

冬十二月命安遠伯柳升平江伯陳瑄率舟師沿海捕倭

明年春升遇倭於靈山敗之瑄追至白山島
百戶唐銳等追至朝鮮義州界捷奏敕還師質實山
在萊州府膠州東南海中白
山島在登州府蓬萊縣海中

阿嚕台殺果勒齊立布尼雅實哩為汗

韃靼知院阿魯台以果勒齊非元裔殺之迎元之後布尼雅實哩于巴什伯里立為汗

茶馬通市以有易無原期于使

遠人而濟國用

若不籌贏絀一

任昂直居奇則

失和市之本意

矣即如唐世易

馬回紇多費

帛而馬不適用

蓋彼時藉回紇

兵力不得不遂

其欲雖知其無

益而不能自主

故白居易有陳

已丑七年春正月申茶禁

洪武中以茶易馬上馬給茶八十觔中下以次減之帝初年招來遠人遞增其數至是碭門茶馬司至用茶八萬餘觔僅易馬七十匹且多瘦損乃申嚴茶禁增設茶馬司後又特遣御史巡督

二月帝北巡命皇太子監國

詔惟文武除拜邊軍調發上請行在自餘常務悉啟太子處分命吏部尚書蹇義兵部尚書金忠右春坊大學士黃淮左諭德楊士奇輔太子監國時御史袁綱覃玠黨附陳瑛陷兵部主事李貞太子察其寃立白之以帝方寵瑛故特宥英而下玠於獄又御史方恢匿父喪太子令械送行在于是人皆服用法之當

山道樂府刺之
至明之馬市在
洪武時一馬已
給茶八十斤迨
永樂而幾增十
倍所得馬復多
羸瘠價日重而
物日輕其後更
為邊累并不止
如居易所譏若
今日哈薩克輪
誠內附願以馬
易我之帛一馬
之直不過三四
金較常直未及
三之一且多得

茹瑞下獄死

質實 袁綱單珩臨兵部主事李貞明史瑛言兵部主
事李貞受皂隸葉轉等四人金請下貞獄貞妻
擊登聞鼓訴冤皇太子命大臣廷鞠之自辰至午貞
等不至惟葉轉至訊之云貞不承不勝拷掠死三皂
隸皆笞死三日矣貞實未嘗受金先是袁綱單珩
至兵部索皂隸貞猝無以應綱珩銜之興化獄

瑞以首勸進封忠誠伯坐不送趙王遣歸里既復逮
至京得釋還過長沙不謁谷王王以為言時方重藩
王禮谷王又開金川門有功帝意嚮之陳瑛遂劾瑞
達祖制逮下錦衣衛獄瑞知不免命子銓市毒藥服
之死法司劾銓毒其父請以謀殺父母論後以銓實
承父命減死與兄弟家屬二十七人謫戍廣西河池
仁宗立
釋還

良馬曾用白詩
韻反其意以紀
事設以明李市
易計之省費豈
啻什倍哉

發明

朝瑞洪武時起家監生至尚書太子少保建文

為兵部尚書任亦重矣乃金川門之啟不能致命
反首先勸進遂封爵子鑑尚泰府郡主以為可長
保富貴也豈知仰藥困圉陷其子於大惡人孰無
死如瑞真悔其不早耳史稱瑞居官謹慎謙和有
容其死也人頗惜之瑞蓋庸鄙者流迫於瑛綱之
毒手雖殺不以罪而不書其官所以勵臣節也

三月都督僉事平安自殺

初惠帝時安以列將驍勇善戰屢挫燕軍已而兵敗
被執送北平帝即位累進後軍都督僉事及是帝覽
章奏見安名曰平安
尚在耶安聞遂自殺

夏閏四月詔重罪皆五覆奏

發遣以上皆五
覆奏以示欽恤

五月封威喇特瑪哈穆特為順寧王太平為賢義王巴

圖博囉為安樂王

威喇特蒙古部落在韃靼西元亡其強臣孟克特穆爾據之帝自起兵北平即與之通和已而孟克特穆爾死衆分為三其渠曰瑪哈穆特曰太平曰巴圖博囉帝即位屢遣使諭賜至是使諾觀達什等來貢馬仍請封遂封三人皆特進金紫光祿大夫加王號自是歲一朝貢

質實

威喇特駐鐵柱谷在歸化

城西三百六十里巴圖博囉舊作把禿孛羅孟克特穆爾舊作猛可帖穆兒諾觀達什舊作煖答失今並改餘見前

遣給事中那驤使韃靼為所殺

帝以書諭布尼雅實哩不聽命至是復遣驤往布尼雅實哩殺之

詔御史勿復用吏

召御史張脩理等二十八人至問其出身皆由進士及監生惟洪東等四人由吏帝曰用人雖不專一途然御史為朝廷耳目之寄宜用有學識達治體者黜東等為序班詔自今勿復用吏明年冬申諭吏部著令為

秋七月以邱福為征虜大將軍帥師征韃靼敗績

帝以福為大將軍王聰霍親副之王忠李逵為左右叅將將精騎十萬北討時布尼雅實哩已為威喇特

所襲破與阿魯台徙居臚朐河福帥千騎先馳遇游
兵擊敗之遂渡河獲其尚書一人言布尼雅實哩聞
大兵至惶恐北走去此可三十里福大喜曰當疾馳
擒之諸將請俟諸軍集偵虛實然後進福不從率衆
直薄敵營戰二日每戰敵輒佯敗引去福銳意乘之
初帝慮福敢戰輕敵陞辭曰戒之曰兵事宜慎重勿
易敵為所給及是李遠諫曰敵誘我深入進必不利
始天子與將軍言何如而遂亡之耶王忠亦力言不
可福皆不聽敵衆奄至圍之數重聰戰死遠馬蹶被
執罵不絕口死福及霍親王忠皆被殺全軍盡沒事
聞帝震怒奪福封爵徙其家海南追贈遠莒國公諡
忠壯聰漳國公諡威毅念諸將無可任遂決意親征

九月庚午朔日有食之

冬十一月張輔討交趾破之獲簡定

輔以賊負江海不利陸師乃駐北江仙游就叱覽山
伐木造舟招諒江諸府避寇者復業遂進至慈廉州
破喝門江克廣威州孔目柵遣徐政戍盤灘賊黨鄧
景異來攻飛鎗洞政脇猶力戰腹潰死輔進師賊子
關賊以舟蔽江為營時八月西北風急官軍衝擊乘
風縱火俘斬無算追至太平海口鄧景異迎戰短兵
接擊斬三千級餘衆皆潰于是李擴遣使自言陳氏
後請紹封輔曰向者偏索陳氏後不應今詐也吾奉
命討賊不知其他叱斬之遂遣朱榮等以步騎先輔
舟師繼之自黃江至神投海會師清化獲簡定於美
良山中及其黨送京師皆伏誅惟陳質實喝門江在
秀擴遁去帝留沐晟討之召輔還質實交州府西
南太平海口在鹹子關南黃江在舊清化府東元和
志謂之小黃江下流入海神投海亦曰神符海口在
舊建平府南美良交趾舊縣在故廣威州東南徐政
儀真人建文時為楊州衛副千戶全城歸陞都指揮

同知

始令中官刺事

守京城內使言城門卽縱酒擅離所守城門卽亦言以母病白內使暫歸卽來嘗以事忤內使故搆臣皇太子曰城門卽無罪內使上綱朝廷下誣無罪者下錦衣衛治之令榜示今後內官內使言事不實及誣私枉人者寘重典



御定資治通鑑綱目三編卷五